

癩癩

仁立

脫肛

痿

痺

痊厥

臨證指南醫案

庚卷七

臨證指南醫案目

卷七

痢

便血

脫肛

痿

痺

瘰癧

驚

癩癧



臨證指南醫案卷七

許關李太

古吳葉

桂天士先生著

錫山鄒錦畹滋九仝較

邵 銘新甫

痢

暑濕熱

沈

暑必挾濕傷在氣分古稱滯下此滯字非停滯飲食

言暑濕內侵腑中流行阻遏而為滯矣消導升舉溫補

暑邪無有出路胸痞不飢不食粘膩未已而肛門沉墜

裏結三焦皆受邪蒸上下渾如兩截延為休息痢疾纏

休息痢

臨證指南醫案

卷七 痢

綿展轉。豈旦晚驟愈之病。

淡乾薑

生薑

小川連

淡黃芩

人參

枳實

徐 夏季痢症。多是濕熱食積。初起宜分消其邪。但肌柔

白嫩。乃氣虛之質。且性情畏藥。只宜少與。勿過。

檳榔汁

青皮

陳皮

厚朴

川連

黃芩

木香

炒黑山查

又 濕熱下痢。必用苦辛寒為治。粟殼瀉腸止瀉。久痢成

方。當此熱邪未清。宣通斯滯可去。因色白氣弱。未敢峻

攻耳。

厚朴

黃芩

川連

木香汁

查肉

炒銀花

麥芽

盧

痢症濕熱。皆是夏令伏邪。但以攻消。大傷胃氣。不能

去病。今微嘔不飢不寐。大便欲解不通。是九竅六腑不

和。總是胃病

人參 一錢

吳萸炒川連 四分

泡淡生乾薑 五分

茯苓 三錢

川棟子肉 一錢

生白芍 一錢

某女

舌色灰黃。渴不多飲。不飢惡心。下利紅白積滯。小溲

不利。此暑濕內伏。三焦氣機不主宣達。宜用分理氣血。

不必見積。以攻滌下藥。

初痢

六腑浮腫

飛滑石
川通草
猪苓
茯苓皮

藿香梗
厚朴
白蔻仁
新會皮

陸氏經來暑穢痧脹心煩自利黑瘀

淡黃芩
枳實
川連
石菖蒲

鬱金
橘紅

陳姬瀉痢兩月肢體浮腫高年自屬虛象但胸脘痞悶納

穀惡心每利必先腹痛是夏秋暑熱鬱滯於中虛體挾

邪焉有補瀉可去邪扶正之理恐交節令變症明是棘

手重症矣

人參
茯苓
川連
淡乾薑

舊病新加

生白芍 枳實

某 臍上青筋突痛。太陰脾受傷。此前症也。近日腹痛白積。兩旬不已。是新受夏秋暑濕。與病異岐。先理新病。導氣分消主之。

藿香 厚朴 廣皮 茯苓皮

川連 木香 木瓜 扁豆

某 痰哮宿病。正在初秋而發。又值寒熱下痢血積。腹痛吐逆。脉來右弦左弱。目黃羞明。必是暑濕凝滯着裏。以補虛之中。佐以清邪。乃通劑法。

人參 黃芪 白芍 廣皮 石蓮子

五部登音可醫卷之三

三

濕熱

川連

查肉

草决明

金銀花

王。痢疾古稱滯下。乃是濕熱氣薄腸胃。阻閉氣分。故利仍不爽。河間丹溪。僉用清熱導氣者爲此。

黃芩

川連

草决明

炒黑查肉

生白芍

石蓮

丹皮

廣木香汁

倪^{十六}面垢舌白。心下腕中。淒淒痛窒。至圍復便不爽。此水穀之濕內蒸爲熱。氣道阻閉。上熱下冷。若外受客邪。既過募原。必有寒熱矣。

淡黃芩

川連

淡竹葉

梔榔汁

白芍

厚朴

廣皮白

痢延三月

非痢疾
乃溫熱病下
耳

痢非痢

某濕溫下痢脫肛五苓散加寒水石

江食物不調腸胃蘊蓄鬱蒸積聚而滯下三月不愈清

疎帶補之

人參

川連

炒白芍

炒查肉

廣皮

茯苓

炒當歸

烏梅

陸濕熱內蘊中焦痞結陽氣素虛體質濕注自利不爽

神識昏亂將變柔痙

炒半夏

人參

枳實

川連

乾薑

黃芩

薑汁

顧得湯飲腹中漉漉自利稀水平昔酒客留濕濕勝內

五苓散行

痢

四

蘊腸胃不爽。凝積。東垣清暑益氣。亦為濕熱傷氣而設。但脾胃久病。仍能納食。當苦味堅陰。芳香理脾。

生茅朮 四兩

炒黑黃柏 二兩

炒黑地榆 二兩

猪苓 一兩

澤瀉 一兩

水法丸服三錢

葛 四酒客大便久瀉。脇上曾發瘡瘍。春夏脇下有形。腹形

滿脹。此久蘊濕熱。瘡膿自利。未能泄邪。腸胃氣壅。利頻不爽。法當分消。以去濕熱。若攻劫太過。必傷脾胃。議用

丹溪小温中丸。早進二錢五分。夜進二錢五分。 三兩

某潮熱自利腹痛。

黃芩

生白芍

枳實

桔梗

檳榔汁

木香汁

徐能食腹痛下痢兼和其陰

人參

生白芍

黃芩

枳實

川連

乾薑

某十濕熱內蒸下利紅積

炒黑神麴

炒黑查肉

茯苓皮

飛滑石

新會皮

厚朴

淡竹葉

扁豆葉

祝三十年久痢須推飲食避忌酒客濕滯腸中非風藥之

辛佐苦味入腸何以勝濕逐熱久病飲食不減腸中病

也。

痢在腑

綿茵陳
香白芷
北秦皮
茯苓皮

黃栢
藿香

某形瘦陰虧濕熱下痢悞投消食反劫津液邪未盡津

先耗咽喉痛且噎欬所謂濕未罷已上燥矣

川連
銀花
通草
黃芩

川貝
茯苓皮

某濕熱內阻氣分腹痛下痢目眦黃舌光不渴議清裏

泄濕熱

黃芩
寒水石
川連
厚朴

秦皮
鬱金

紅痢如豆汁

山十五濕鬱腹痛利紅如豆汁

生茅朮錢三

炒山查半

一錢

厚朴

一錢

紅麴

半
一錢

廣皮一錢

猪苓

一錢

某 夏秋痢疾。固是濕熱傷氣。脾胃氣滯。後重裏急不爽。

古方香連丸。取其清裏熱。必佐理氣。謂氣行斯濕熱積。

聚無容留矣。知母生地。滋陰除熱。治陰分陽亢之火。與。

痢門濕熱大異。蓋滋則呆滯。氣鈍窒塞。宜乎欲便不出。

究竟濕熱留邪仍在。桂附熱燥。又致肛墜痛如刀割。補。

中益氣東垣成法。僅僅升舉下焦清陽。未能直透腸中。

再用大黃重藥。兼知母生地等味。更令傷及下焦。書義。

百中登百

痢

六

謂諸痢久。都屬腎傷。小腹痛墜。忌冷。顯然是下症。議與升陽亦須下治。

人參

茯苓

澤瀉

炙草

防風根

羌活

獨活

細辛

生薑

大棗

某 舌白。渴不欲飲。心腹熱。每痢必痛。肛墜痢又不爽。微

嘔有痰。口味有變。頭中空痛。兩頰皆赤。此水穀氣蒸濕

熱。鬱於腸胃。清濁交混。忽加煩躁。難鳴。苦况。法當苦寒

泄熱。苦辛香流氣滲泄利濕。蓋積滯有形。濕與熱本無

形質耳。

川連

黃芩

鬱金

厚朴

血熱病自利

厥陰伏熱

猪苓

槐米

秦皮

包

先厥下利膿血腹痛嘔惡乃寒熱互傷

淡黃芩

川連

丹皮

生芍

炮薑

炒銀花

陳氏 溫邪經旬不解發熱自利神識有時不清此邪伏厥

陰恐致變瘧

白頭翁

川連

黃芩

北秦皮

黃栢

生白芍

又 溫邪誤表劫津神昏恐致瘧厥

炒生地

阿膠

炒麥冬

生白芍

用柔劑養

熱痢下利

前

炒丹皮 女貞子

邱 姬 進潤劑。痛緩積稀。知厥陰下利。宜柔宜通。血虛有風。顯然。

生地 阿膠 丹皮 生白芍

銀花 小黑穠豆皮

某 熱漸入裏。胸痞便泄。議酸苦泄熱。

黃芩 川連 枳實 白芍

廣皮白 滑石 甘草 穀芽

協熱痢

蔡 內虛邪陷。協熱自利。脉左小右大。病九日不減。是為

重症。議用白頭翁湯方。加黃芩白芍

潘時令暑濕都從口鼻而受。氣鬱則營衛失於轉運。必身熱無汗。其邪自上以及中。必循募原。致腸胃亦鬱。腹痛瀉積。無非濕熱之化。此分消利濕則可。若以表藥則傷陽氣矣。

茯苓

陳皮

厚朴

木香

炒扁豆

炒山查

又協熱下利。粘膩血水。是腸胃中濕熱之化也。

北秦皮

白頭翁

茯苓

澤瀉

炒銀花

益元散

某春溫內陷下痢。最易厥脫。

血痢

川連

阿膠

淡黃芩

炒生地

生白芍

灸草

王

熱毒逗留不化。潮熱下利。

川連

黃芩

炒白芍

茯苓

澤瀉

木瓜

張三

江南地薄氣弱。夏季食物內蘊。時令熱迫內聚。濕熱

赤痢。入冬不愈。皆飲食不忌之累。宜淡薄滋味。

生茅朮

厚朴

南山查

草果仁

樗根皮

槐花

廣皮

銀花

又

痢血三月。晝痢夜止。肛門欲墜。以氣陷門戶不藏。

人參

當歸

白芍

肉桂

炙草

白朮

廣皮

煨薑

南棗

某四 血痢半載少腹痛 六味地黄加炒查肉炒延胡

某 血積痛痢起於夏令秋半不減明是濕熱滯於腸胃

久延面色消奪右脉搏大乃痢症所大忌稍通積聚

以和血

酒炒大黃

川連

黃芩

丹皮

肉桂

歸身

白芍

生甘草

袁二 久痢腹疼下血

生黃芪

錢三

生白朮

錢三

炒歸身

錢一

炒查肉

錢二

炒地榆

錢半

久痢用寒下
以和血

久痢用苦辛
補

布帶登后百腎

痢

九

寒燥滑

廣皮 一錢
厚朴 一錢
羌活 五分
防風根 五分

朱九 下痢帶瘀血。肛中氣墜。腹不痛。

炒黑樗根皮 兩
生茅朮 錢一
生黃栢 錢一
炒黑查肉 錢三

炒黑地榆 半錢
炒焦銀花 半錢
赤苓 三錢
豬苓 半錢

某 痛痢不爽。已有血下。暑濕不獨在氣分。且積勞茹素。

攻奪宜慎。

當歸 白芍 南山查 厚朴

草果 炮薑

某 脈緩。臍上痛。便稀。溺短。此乃濕鬱脾胃之陽。致氣滯。

裡急。宗古人導濕分消意。

滯 陽虛氣

痢用導濕以
涼氣消

下痢用溫柔

生茅朮 廣皮 厚朴 官桂 飛滑石

茯苓 猪苓 澤瀉 炒山查

張^五脈沉伏久痢腹痛畏寒少食氣弱腸滯以溫通方法

熟附子 生茅朮 生大黃 茯苓

厚朴 木香

又溫下相投腸滯不通皆因腑陽微弱古賢治痢不離

通瀉二法

當歸 肉桂心 茯苓 厚朴

南山查 生麥芽

王^六平昔溫補相投是陽不足之體聞患痢兩月不忌食

臨登指南有聲卷之痢

十

刺刺秘火

物脾胃滯壅。今加嘔惡。夫六腑宜通。治痢之法。非通即
瀉。肛腸結閉。陽虛者。以溫藥通之。

熟附子 製大黃 厚朴 木香 茯苓皮

范二痢稱滯下。謂有滯必先痛。後下。况病起不愼。口腹陽

氣窒塞。積聚留着。試閱前方。宣通者有得間在此效。守補則病劇。

六腑皆以宣通為用。

附子 大黃 茯苓 厚朴

生草果 廣皮

又溫下已效。腸胃留滯。都因陽不主運。再佐理氣兼之。

附子 製大黃 茯苓 廣皮

厚朴

生益智

木香

猪苓

李 痢將兩月。日微黃。舌白。口乾。唇燥。赤腹滿。按之軟。竟日小便不通。病者自述肛門窒塞。努掙不已。僅得迸出粘積點滴。若有稀糞。自必傾腸而多。思夏秋間暑濕內着為痢。軒岐稱曰滯下。謂滯着氣血。不獨食滯一因。凡六腑屬陽。以通為用。五臟皆陰。藏蓄為體。先瀉後痢。脾傳腎則逆。即土尅水意。然必究其何以傳尅之由。蓋伏邪垢滯。從中不清。因而下注矣。遷延日久。正氣因虛。仲景論列三陰。至太陰篇中。始挈出腹滿字樣。脾為柔臟。惟剛藥可以宣陽驅濁。但今二腸窒痺。氣不流行。理中

等法。決難通腑。考內經二虛一實者。治其實。開其一面也。然必溫其陽。佐以導氣逐滯。欲圖扭轉機關。捨此更無他法。

製附子

生厚朴

木香

製大黃

炒黑大茴

又

懈弛。半月。脾腎復憊。脾敗不主健運。納食皆變痰沫。

腎真失司。納氣水液上泛。阻咽。皆痢傷瀉。壅變脹。未傳

脈。見弦勁。是無胃氣。小愈變病。最屬不宜。入冬爲藏陽

之令。今陽漸潰散。而陰液枯槁。渴不多飲。飲不解渴。治

陽必用剛藥。其陰更涸矣。轉展無可借箸。勉與脾腎分

調。脾陽動則冀運。腎陽靜可望藏。王道固難速功。揆之

陽虛
體用不可險藥。此症未必收功

早服炒焦腎氣丸 午服參苓白朮散加益智仁

許三勞倦咳嗽失血。仍然不避寒暑。食物腹中瀉痢。病上加病。後感法當先治。以分病有新舊。

厚朴 益智 廣皮 茯苓皮

白芍 炙草 木瓜 炒扁豆

又咳嗽瀉痢。藥治相背。治肺礙脾。治脾礙肺。方今交冬。治痢為要。病人說早食相安。晚食脹滿脾胃陽氣已乏。勿徒消滯寒尅矣。

白芍 桂酒拌 益智 廣皮 茯苓

焦白朮

炙草

穀芽

砂仁殼

張 下痢泄瀉之後。診脈右弦大。胃虛少納。陽弱不司運

化。法當通腑之陽。

人參

益智仁

炒菟絲餅

炒砂仁末

茯苓

廣皮白

陸 腹滿自痢。脈來濡小。病在太陰。况小便清長。非腑病

濕熱之比。法當溫之。

生於朮

附子

茯苓

厚朴

乾薑

許 二痢疾一年。已浮腫溺瀼。古稱久痢必傷腎。月前用理

陰煎不應。詢及食粥吞酸。色瘁脈濡。中焦之陽日憊。水

左痢

左痢

痢症清脫

穀之濕不運仍辛温以甦脾陽佐以分利用胃苓湯去

甘草加益智

陳痢積雖然少緩諸欬不減面色青晦四肢厥冷仍在

險途擬進益黃散法

人參

煨益智仁

公丁香

茯苓

廣皮

青皮

木瓜

炒冬米

某脈微細肢厥下痢無度吳茱萸湯但能止痛仍不進

食此陽敗陰濁臍氣欲絕用桃花湯

赤石脂

乾薑

白粳米

某痢後大便不實食不健運色脈俱是虛象此清陽失

曠於中。陰氣先走泄於下。先理中焦。再當攝陰。

人參

白朮

茯苓

炙草

廣皮

炮薑

益智

某

自利不渴者。屬太陰。呃忒之來。由乎胃少納穀。衝氣上逆。有土敗之象。勢已險篤。議金匱附子粳米湯。

人參

附子

乾薑

炙草

粳米

某

長齋有年。土薄氣餒。加以久痢。少穀欲嘔。脾胃之陽衰矣。由夏及今。半載不痊。倘忽腫脹。何法施治。

人參

白朮

乾薑

炮薑

丁香

茯苓

袁中下陽微嘔呃下利温中不應恐延衰脆夫陽宜通
陰宜守此關闡不致潰散春回寒谷生氣有以把握候
王先生主議

人參

附子

炮薑

炒粳米

赤石脂

生白芍

某春痢入冬痢止腹痛食少童年那有淫慾之擾此係
寒熱不和脾胃受傷也六君子湯加肉桂

脾營虛
無

某脉沉微下痢紅紫黑舌胎粉白竝不渴飲此太陰脾

營虛寒也做理陰煎

當歸頭

白芍

炮薑

炙草

茯苓

益智

唐氏 下痢四十餘日形寒腹痛

炒當歸

生白芍

肉桂

炒山查

青皮

茯苓

陽明不
闔

沈

議堵截陽明一法

人參

炒白粳米

炮薑

赤石脂

脾腎兼
虛

某^六高年下痢痰多舌乾脈右空大^神困音低乃脾腎兩

虧二氣交虛有年致此恐非所宜

人參

一錢

菟絲子

一錢

赤石脂

三錢

炮薑

一錢

茯苓

三錢

木瓜

一錢

王十五久痢久瀉爲腎病。下瀉久而陰傷氣墜。四神丸治脾

腎晨泄。辛溫香燥皆剛。佐入五味酸柔。不過稍製其雄

烈。此肛墜尻痠。乃腎液內少。而氣陷矣。腥油肉食須忌。

熟地。禹餘糧石。五味子。

蔣一五久痢用辛甘溫而效。是脾陽久傷。治由東垣法極是。

述食血腥滑必便塘。四肢忽有肉疹。營衛內應脾胃氣

血未得充復。五旬外。下亦怯。用脾腎兩補。

人參。山藥。茯苓。湖蓮。芡實。補骨脂。

菴蓉。萸肉。五味。巴戟。菟絲。覆盆子。

某。下痢腹痛舌乾肛墜痢傷陰也。

痢傷陰

症登百有醫案

五

熟地炭 炒歸身 炒白芍 炒查肉

茯苓 炙草

某 滯濁下行痛緩。議養陰通腑。

生地 阿膠 丹皮 山梔

猪苓 澤瀉

孫 脉左數。下利。腹不甚痛。暮夜微熱。所伏暑熱。乘陰虛

下陷。是清熱理脾不效。當攝陰升陽。

熟地炭 當歸炭 山查炭 炒黑麥芽

炙黑甘草 防風根 炒黑升麻

又 照方去山查麥芽。加人參焦白芍。

又瀉痢久必陰損液耗。此口渴微咳。非實火客邪與甘酸化陰。

人參

山藥

炙草

炒烏梅

木瓜

炒湖蓮肉

蔡脉右數。左細數。面垢舌燥。白苔點點。肌膚甲錯。左脇動氣。伏暑當秋涼而發。初病如瘧。當從苦辛寒法。裏邪熾烈。變爲下痢。胃津被劫。陰液大耗。昔賢於熱病液涸。急以救陰爲務。苟胃關得甦。漸以冀安。否則犯喻氏所指。客邪內陷。液枯致危之戒矣。復脉湯去薑桂麻

又酸甘化陰法。

人參

生地

烏梅

炙草

麥冬

木瓜

鮑痢久。陰液消亡。無以上承。必唇燥舌乾。奈胃關不和。

善噫難飢。此由陰膩柔劑所致。擇其不膩滯者調之。

人參

炙草

炒白芍

炒烏梅肉

炒麥冬

茯苓

周五痢後氣墜。都主陰傷。但嗔怒不已。木犯土。致病留連。

攝陰之中。聊佐和肝。

熟地

茯苓

炒山查

炒烏梅

木瓜

某陰液涸。則小水不通。胃氣逆。則厭食欲嘔。此皆痢之

欬症也。治以中下二焦為主。議理陰煎。

熟地

白芍

附子

五味

炮薑

茯苓

吳三痢久陰傷腹痛。肛門墜脹。秋病入冬不愈。已屬休息症。和陰劑中。仍有升降。倣東垣法。

炒熟地

炒當歸

炒白芍

炙草

生山查

生穀芽

久痢傷腎下焦

陳三瀉痢久則傷腎。多見下焦沉墜。先傷在陰。剛藥不效。

人參

鹿茸

菟絲子

茯苓

舶茴香

製補骨脂

砂仁

不攝

長泄痢血

及詢新劇

痢後痛痺

張五晨泄痢血屬腎病。無痛墜等因。用黑地黃丸。

范瀉痢起於長夏。醫謂時令濕熱。胃苓湯。苓芍法。固非

謬訛。因高年腎陽肝陰先虧。使客氣內擾。阻遏中流。乏

砥柱坐鎮。致狂瀾滔天耳。病經兩旬不減。重陰無陽。驗

諸神識尙清。其外邪為少。而內損為多。八脉無權。下無

收攝。漏卮不已。理必生陽泄。下焦冷。此皆陰陽二氣微

絕。治病則劣。治本為宜。非置之不理。實究天人而已。

人參 二錢

鹿茸 二錢

炒黑當歸 三錢

生杜仲 三錢

生沙苑 一錢

茯苓 三錢

此必不效

李五自痢五六年。即周身痛痺。蓋腸胃病。致經絡筋骨藩

籬疎撤。陽失衛。藥難效。靈書此代煎。

冬於朮

菴蓉

熟附子

河水煎

吳九四治痢大法。無過通塞二義。夏秋濕熱固多。初痢不痛。

已非濕熱。色滯者。腸中陳腐也。至今痛而痢。痢後復痛。

按之痛減。屬虛。小雪不愈。陽不來復。久痢治腎。然非滋

膩。先用苓薑朮桂湯。

某氏治痢古法。不越通瀉。經停有痕。腹浮腫。八脉之病。醫

惑於見痢。認爲脾胃症。議用濟生腎氣丸。

朱五痢久肛墜。是下焦腎虛。失於收納。治脾胃藥無功。

熟地炭

炒歸身

赤石脂

五味子

炒查肉

周^四六痢久必傷腎陰。八脉不固。腸賦自滑而下。但執健脾無用。病不在中。納穀遲。下焦坎陽亦衰。用三神丸。

五味子

補骨脂

肉果

某痢久陰陽兩傷。少腹肛墜。連兩腰膝脊髀痠痛。由臟腑絡傷。已及奇經。前議輕劑升陽頗投。仍從下治。

人參

鹿茸

附子

炒當歸

茴香

菟絲子

杜仲

周轉方柔藥相安。顯然久痢傷及腎陰。當用理陰煎。兼用禹糧石脂丸。以攝固腸中。

熟地炭

歸身炭

人參

炙甘草

五味子

炒查肉

兼服禹糧赤石脂丸

金氏

脉數勁。下痢腹鳴痛。後墜。卧則氣衝。咳嗽吐粘涎。產

後過月。顯是下損至中。納穀日少。形神日衰。勢已延成

蓐勞。難期速功。

熟地炭

人參

茯神

炒山藥

建蓮

赤石脂

某氏

休息痢。經二年。明是下焦陰陽皆虛。不能收攝。經期

不來。小腹撫摩有形上行。似乎癥瘕。其實氣結。若不急

進溫補。恐滋擾腫脹之累也。

人參

附子

茯苓

炙草

陷氣虛下

某氣虛下陷。門戶不藏。

五味 白芍

人參 黃芪 廣皮 炙草

歸身 炒白芍 防風 升麻

為伏本防伏

某痢經五十日來。小愈再發。獨見後重下墜。此為氣陷。則門戶不藏。亦胃弱內風乘襲。議陷者舉之。

人參 歸身 白芍 炙草

升麻 荷葉

石瘧邪熱氣內陷變痢。延已三月。脾胃氣衰。面浮肚膨。

仍有裏急欲墜之象。中虛伏邪。進以和解。

瘧變痢

黃芩

柴胡

人參

丹皮

炒當歸

白芍

穀芽

炒山查

蔡神氣索然。腹中動氣。舌紅嗌乾。寒熱日遲。平素積勞。

致虛邪伏厥陰。脉促細堅。温清難用。勉議復脉湯。存陰。

勿涸。希圖援救。復脉湯。

又兩投復脉。色脉畧轉。所言平素積虛。不但瘧邪內陷。

陽結於上則胸痞。陰走於下則頻利。非徒開泄攻邪也。

救逆湯去薑

又奔豚動氣。皆是陽虛濁泛。當和營理陽。

人參

茯苓

歸身

炙草

桂心 牡蠣 煨薑 大棗

又 衝氣填塞。邪陷下痢。勢非輕小。用瀉心法。

人參 淡乾薑 熟附子 川連

黃芩 枳實

又 人參 淡乾薑 生地 炒桃仁

此法恐必收功

張 氣衰熱伏。腹痛下痢。腕中痞悶。不欲納食。由瘧變痢。

經邪入腑。斯病勢已重。清理濕熱以開痞。延久必須扶

正。

淡黃芩 川連 人參 生白芍

乾薑 枳實

某邪陷瘧後變痢傷及厥陰症見氣上撞心飢不能食

乾嘔腹痛全是肝病肝為至陰之臟相火內寄仲景治

法不用純剛燥熱之藥以肝為剛臟故也今正交土旺

土木為讐五日內未為穩當

人參

炒當歸

炒白芍

炒烏梅肉

茯苓

淡吳萸

生香附汁

真北秦皮

孫下痢無積肛墜腸間汨汨有聲此屬腸風當用攝固

熟地炭

萸肉炭

炒歸身

炒杞子

川斷

北味肉

煎藥送赤石脂丸三錢

某當年久痢用三神丸得效是脾腎兩因兼理氣分之

腸風

百病醫案

痢

主

滯。體質陽虛。遇冷病加。今病起長夏。小水不通。必係夏熱阻其宣化。久則氣血凝着。而為腸紅。先與桂苓甘露飲。分消其濕。

於木

茯苓

猪苓

澤瀉

滑石

桂心

包

川連

人參

黃芩

白芍

草決明

炒山查

炒銀花

又

噤口痢。乃熱氣自下上衝。而犯胃口。腸中傳導。皆逆

阻似閉。腹痛在下尤甚。香連梅芍。僅宣中焦。未能泄下

熱燔燎。若不急清。陰液同歸於盡。姑明其理。以俟高明

噤口痢

備採。白頭翁湯。

又 脉左細數。右弦。乾嘔不能納穀。腹痛裏急後重。痢積不爽。此暑濕深入着腑。勢屬噤口痢疾。症非輕渺。議用苦寒清解熱毒。必痛緩胃開。方免昏厥之變。

川連

黃芩

銀花

炒山查

乾薑

白芍

木香汁

又 下午病劇。乃陰氣消亡之徵。若但陰柔。恐生生不至。疎補胃藥。正宜進商。

生地

阿膠

人參

生白芍

炒山查

炒銀花

矯初起無寒熱即瀉痢嘔惡不食乃噤口痢重病夫暑
 邪之傷由口鼻吸氣而入邪與水穀交混蒸變濕熱釀
 為積滯膿血腸胃氣窒欲解不能通爽遂致裏結後重
 香連苦辛理氣導濕清熱初用頗是皆緣勞碌之人非
 膏粱溫養之質淡薄積勞中氣易傷四日來積少痛
 緩醫稱病解而食不下咽不知飢飽診得脈弦形衰舌
 白不渴飲水日瀉數行全屬胃倒氣奪中宮損極下關
 不攝穀不能咽焉能承受湯藥藥味氣劣胃衰必惡久
 痢久瀉務在能食古人非醒脾胃即安腎攝納再詢粉
 漿下咽或噎或噎議以上腕宜通其清陽下焦當固攝

其滑脫。倣古方中參苓白朮散。未當以米飲日服二次。間以不膩滑之物。食些少勿多。以示胃之所喜。為補。必得胃氣漸醒。方有轉危為安。

人參 二錢

焦朮 一錢

茯苓 一錢

炙草 五分

炒扁豆 二錢

苡仁 一錢

桔梗 一錢

砂仁 七分

炮薑炭 一錢

肉豆蔻 一錢

右藥研細秤准分兩每次

用香粳米飲湯調服一錢五分。右藥須日進二次。

鮑 舌心黃。邊白。渴飲水漿。停胃脘。乾嘔。微微冷呃。自痢。

稀水。小便不利。診脈堅勁不和。八旬又一。二暑濕熱邪內着。必脾胃氣醒始可磨耐。以高年不敢過清過消。用清。

暑益氣方法

川連

黃芩

石蓮子

煨乾葛

青皮

人參

茯苓

厚朴

猪苓

澤瀉

又口中乾燥。小水全無。泉源已竭。陰液無以上承。痢症
噤口。都是濕熱壅於胃口。下元衰憊。衝脉氣震高突。此
攻病保真。理難捉摸矣。

川連

黃芩

草决明

石蓮子

烏梅

白芍

痢症。古名滯下。惟夏秋暑濕挾積者居多。其次則風
淫火迫。寒侵也。推之燥氣。獨不為患。攷前法。悉有定

例不必再述。至於暑者有陰暑陽暑之源。其邪必乘乎濕。夫陰暑由於人之陽氣先虧。加以貪涼喜冷。鬱折生陽。故主於溫。陽暑由於天之熱伏。阻氣化濁。則重於清。而醫之。下手工夫。於此須細心認定。但邪之來也。似水之流。臟腑間一有罅隙。則乘虛而着。故有在氣在血之分。傷臟傷腑之異。若表之邪鬱而氣機下流不息者。喻氏論人參敗毒散裡之積壅而寒熱交粘者。潔古立芍藥湯。在氣分有苦辛調氣。與辛甘益氣等法。在血分有酸苦行血。及鹹柔養血諸方。若表症急。從乎三陽。有桂枝湯。葛根芩連湯。小柴胡湯。

裏勢實。尚究脾胃。有小承氣湯。溫脾湯。總之治腑以
三焦見症爲憑。治臟以足三陰爲要領。辨得虛實之
情形。酌以或通或瀉之法。則臨症權宜。庶乎不錯矣。
但是症不治之條甚多。最難愈者。莫如休息痢。攻補
之法非一。予亦不贅。最危險者。莫如噤口痢。却有兩
端。若因暑濕邪充。格拒三焦者。氣機皆逆。傳而閉上
下之勢。渾如兩截。若治不得其要。則邪無出路。正立
消亡。此丹溪立法最高。後世都宗其旨。先生又借用
半夏瀉心湯。減去守中之品。取補以運之。辛以開之。
苦以降之。與病情尤爲允協。所以先生之見長。是集

之奧妙。每每在此。又因脾腎之陽素虛。陰邪從中而
下者。先傷太陰。繼傷少陰。關闢大開。痛泄無度。戊癸
少化。火之機。命陽無蒸變之力。此不饑不食。爲嘔爲
脹。理宜然矣。與邪多積熱之候相比。絕然不同。叅之
仲景理中湯。腎氣丸。及景岳理陰煎。胃關煎等法。可
也。吾鄉姚頤真先生。化出捷徑良法。以大劑菴蓉。配
入參歸姜附。桂製白芍之類。治之。靡不應手而愈。想
菴蓉之性。溫能達下。醜可利胃。質之柔潤。以補陽中
之陰。較地黃阿膠尤勝。與之腸膏竭盡。絡脉結滯。而
痛者。堪稱神品。自此推廣。用治甚多。若曰某方某藥。

但治某症。不知活用。反稱杜撰。則禁絕後人靈活之
心。無從施發矣。邵新甫

江

文

以熱便血

同方

濕熱

便血

鄭 夏至後濕熱內蒸腸風復來議酸苦法

川連 黃芩 烏梅肉 生白芍 廣皮

厚朴 荆芥炭 菊花炭 又駐車丸二錢

某 脉右數形色蒼黑體質多熱復受長夏濕熱內蒸水穀氣壅血從便下法以苦寒佐以辛溫薄味經月可冀病愈

茅朮 川連 黃芩 厚朴

地榆 槐米

右加參三白芍等

便血

三

程 年前痰飲哮喘。不得安臥。以辛溫通腸。劫飲而愈。知脾陽內弱。運動失職。水穀氣蒸。飲邪由濕而成。濕屬陰。久鬱化熱。熱入絡血。必自下。但體質仍屬陽虛。凡腸紅成方。每多苦寒。若臟連之類。於體未合。毋欲速也。

生於朮

茯苓

澤瀉

地榆炭

桑葉

丹皮

俞 陽虛腸紅洞瀉。議劫胃水。理中換生茅朮生厚朴

附子炭炮薑

程 七十脉沉。糞後下血。少年淳朴得此。乃食物不和。腸絡空

隙所滲。與升降法。

陽虛寒濕

太濕便血

以有嗔怒而
收滿瀉血者
用此方但外
亦換去各摘

茅朮

厚朴

廣皮

炮薑

炙草

升麻

柴胡

地榆

又

脉緩濡弱陽氣不足過飲濕勝大便溏滑似乎不禁
便後血色紅紫兼有成塊而下論理是少陰腎臟失司
固攝而陽明胃脉但開無合矣從來治腑以通為補與
治臟補法迥異先擬煖胃通陽一法

生茅朮

人參

茯苓

新會皮

厚朴

炮附子

炮薑炭

地榆炭

濕過脾
腸

程三

食入不化飲酒厚味即瀉而腸血未已蓋陽微健運

失職酒食氣蒸濕聚陽鬱脾陽清陽日陷矣議用東垣

升陽法。

人參

茅朮

廣皮

炙草

生益智

防風

炒升麻

○ 中虛濕下陷

某

陽虛體質食入不化飲酒厚味即瀉而腸血未止蓋

陽微健運失職酒食氣蒸濕聚脾陽清陽日陷矣當從

謙甫先生法。

人參

二錢半

乾薑

二錢半煨

附子

三錢

茅朮

五錢

升麻

三錢

白朮

二錢半

厚朴

二錢半

茯神

二錢半

廣皮

二錢半

炙草

二錢半

歸身

一錢半

白芍

一錢半

葛根

二錢半

益智

一錢半

地榆

三錢半

神麴

一錢半

右藥各製薑棗湯丸

温 濕勝中虛便紅

焦木 炒當歸 炒白芍 炙草

防風根 煨葛根 乾荷葉

鬱怒木 火犯土

劉六鬱怒腸紅復來木火乘腑絡腹中微痛議與和陰

冬桑葉 丹皮 生白芍 黑山梔

廣皮 乾荷葉邊 生穀芽

張 二年前衝氣入腕有形痛嘔糞前後有血此屬厥陽

擾絡風動內爍頭顛皆眩痛每日用龍薈丸

葉 嗔怒動肝絡血乃下按之痛減為虛夫肝木上升必

犯胃口遂脹欲嘔清陽下陷門戶失藏致裏急便血參

松後便血

血氣眩痛 氣冲痛嘔

同方

右和登百一頁 便血

天

木炮薑辛甘温暖乃太陰脾藥焉能和及肝胃丹溪云
上升之氣自肝而出自覺冷者非真冷也

駐車丸二錢

程四少陽絡病必犯太陰脾陽衰微中焦痞結色痿如瘁

便後有血論脾乃柔臟非剛不能甦陽然鬱勃致病温
燥難投議補土泄木方法

人參

當歸

枳實汁

炒半夏

桑葉

丹皮

參歸養脾之營枳牛通陽明之滯桑丹泄少陽之鬱

某凡有痔疾最多下血今因嗔怒先腹滿隨瀉血向來

木
土

腸血

糞前。近日便後。是風木鬱於土中。氣滯為膨。氣走為瀉。議理中陽。泄木佐之。

人參

附子

炮薑

茅朮

厚朴

地榆

升麻

醋炒

柴胡

醋炒

大腸血

某

便紅脉數

生地

三錢

銀花

三錢

黃芩

一錢

白芍

一錢

槐花

一錢

程三脉數能食腸紅陰自下泄腸腑熱熾所致非溫補之

症

細生地

丹參

黃栢

黑穉豆皮

地榆炭

柿餅灰

槐花

金石斛

...

便血

...

某^三內熱腸紅發痔當清陰分之熱

生地

炒丹皮

酒炒黃芩

炒黑槐花

柿餅灰

玄參

銀花

黑山梔

汪嗽血已止糞中見紅中焦之熱下移腸胃屬腑止血

亦屬易事花甲以外年歲熱移入下到底下元衰矣

細生地

川石斛

柿餅灰

天冬

趙^三勞倦便後血

炒黑栲根皮

炒黑地榆

炒焦丹皮

五加皮

炒焦銀花

蒼朮

茯苓

炒澤瀉

錢^十八陰虛內熱腸紅不止

與前方同
而生地黃木
不同然便法
便括之

使血用酸漬

與前方同
而玄參來之
加栝榆之苦
後虛而此熱

陽明不
闔

炒黑樗根皮一兩炒生地三錢炒銀花一錢炒黑地榆二錢

歸身一錢生白芍一錢炒丹皮一錢茯苓一錢

蔡三八脉濡小食少氣衰春季便血大便時結時澹思春夏

陽升陰弱少攝東垣益氣之屬升陽恐陰液更損議以

甘酸固瀦闔陽明為法

人參 炒粳米 禹糧石 赤石脂

木瓜 炒烏梅

某 能食腸血脉細色痿肛痔下墜議酸苦熄風堅陰

芫肉炭 五味炭 黃柏炭 地榆炭

禹糧石 赤石脂

命登旨百有...

滿後食不
而便血

脾胃氣
滯

脾胃
虛

經重有別
前交有

心脾
損

吳二
八中滿過於消尅便血食入易滯是脾胃病血統於脾

脾健自能統攝歸脾湯嫌其守疎腑養臟相宜

九蒸白朮

南山查

茯苓

廣皮

穀芽

麥芽

薑棗湯法

此方太淡然論病法
治心一法也

某二
三便血如注面黃脉小已經三載當益胃法

人參 一錢

焦朮 三錢

茯苓 三錢

炙草 五分

木瓜 一錢

炮薑 五分

李三
十上年夏季絡傷下血是操持損營治在心脾

歸脾飴糖丸

朱
入暮腹痛鳴響辜丸久已偏墜春正下血經月顏色

鮮明此痛決非傷瘀積聚乃營損寒乘木來侮土致十
四載之纏綿調營培土以甘泄木散鬱宜辛節口戒慾
百天可效。

人參

炒當歸

炒白芍

肉桂

炮薑

茯苓

炙草

南棗

又細推病情不但營氣不振而清陽亦傷洞泄不已而
辛潤宜減甘溫宜加從桂枝加桂湯立法

人參

桂枝

茯苓

生白芍

炙草

肉桂

煨薑

南棗

又仍議理營。

人參 於朮 茯苓 炮薑

桂心 白芍 真武丸二錢

脾不統血 某八便後下血此遠血也

焦朮一錢 炒白芍一錢 炮薑一錢 炙草五分

木瓜一錢 炒荷葉邊二錢

血去陰傷 傷陽 上月

方 脈小左數便實下血乃肝絡熱勝血不自寧醫投參

芫歸桂甘辛溫煖昧於相火寄藏肝胆火焰風翔上蒙

清○空○鼻○塞○頭○暈○嗆○咳○不○已○一○悞○再○悞○遺○患○中○厥○夫○下○虛

則上實陰傷陽浮胃乃一定至理

連翹心 竹葉心 鮮生地 玄參

是鼻塞吼 倉咳治法 治下血也

丹皮

川斛

又下血陰傷走泄虛陽上升頭目清竅參芪朮桂辛甘

助上致鼻塞耳聾用清上五六日右脉已小左仍細數

乃陰虧本象下愈虛則上愈實議以滋水制火之方

生地

玄參

天冬

川斛

茯神

炒牛膝

又脉左數耳聾脇痛木失水涵養以致上泛用補陰丸

補陰丸五錢

又虎潛丸羊肉膠丸

某腸紅粘滯四年不痊陰氣致傷肛墜刺痛大便不爽

藥難驟功當以潤劑通腑

陰虛血

命登百有餘卷

卷之便血

三

生地

稽豆皮

查肉

麻仁

冬葵子

歸鬚

勞傷營衛

姚

勞傷下血絡脈空乏為痛營衛不主循序流行而為偏寒偏熱診脈右空大左小促通補陽明使開閣有序

歸芪建中湯

脾腎虛

唐四

內經以陰絡傷則血內溢蓋燒酒氣雄擾動臟絡聚血之所雖得小愈而神采爪甲不榮猶是血脫之色肛墜便甚治在脾腎以脾為攝血之司腎主攝納之柄故也 晚歸脾去木香 早六味去丹澤加五味芡實蓮

肉阿膠丸

血後血不華

後寒熱

沈_五酒濕汚血皆脾腎柔膩主病當與剛藥黑地黃丸

凡脾腎為柔臟可受剛藥心肝為剛臟可受柔藥不

可不知謙甫治此症立法以平胃散作主加桂附乾

薑歸芍重加炒地榆以收下濕用之神效即此意也

吳_四腹痛下血食葶薺豆漿而愈乃泄肺導濕之藥既愈

以來復有筋骨痠寒熱夜臥口乾乃濕去氣泄陽明

脈之不主用事營衛失度津液不升之象天真丸主之

去人參

支_五痔血久下肌肉痿黃乃血脫氣餒漸加喘促浮腫再

延腹脹便不可為此症臟陰有寒腑陽有熱詳於金匱

穀疸篇中極難調治

人參

焦朮

茯苓

炒菟絲子

廣皮

生益智

木瓜

腎陽虛

楊八

中年形勞氣餒陰中之陽不足且便血已多以溫養

固下男子有年下先虛也

人參

茯苓

歸身

淡菴蓉

補骨脂

巴戟

炒遠志

生精羊肉熬膏丸服五錢

田八
久矣晨泄腹痛近日有紅積此屬腎虛

補骨脂

大茴香

五味

茯苓

生菟絲

陳七
脉左虛濇右緩大尾閭痛連脊骨便後有血自覺惶

脊痛多便
同作

惶欲量兼之納穀最少明是中下交損八脉全虧早進
青囊斑龍丸峻補玉堂關元暮服歸脾膏涵養營陰守
之經年形體自固

鹿茸

生切薄
另研

鹿角霜

另研

鹿角膠

鹽湯
化

柏子仁

去油
烘乾

熟地

九蒸

韭子

鹽水
浸炒

菟絲子

另磨

赤白茯苓

蒸

補骨脂

胡桃肉搗爛蒸
一日擦淨炒香

右溶膏煉蜜為丸每服五錢淡鹽湯送

鹿茸壯督脉之陽鹿霜通督脉之氣鹿膠補督脉之

血骨脂獨入命門以收散越陽氣柏子凉心以益腎

熟地味厚以填腎韭子菟絲就少陰以升氣固精重

腎陰虛

用茯苓淡滲。本草以陽明本藥。能引諸藥入於至陰之界耳。不用萸味之酸。以酸能柔陰。且不能入脈耳。胡八十上下失血。先瀉血後便瀉。踰月陰傷液耗。胃納頗安。且無操家之勞。安養閑坐百日。所謂靜則陰充。

熟地

萸肉

茯神

山藥

五味

龍骨

汪腎虛。當春陽升動。咳嗽。嗽止。聲音未震。糞有血。陰難充。復不肯上承。用陰藥固攝。

熟地

白芍

茯神

黑稽豆皮

炒焦烏梅肉

陳紅三年久
服補藥不效

陳三腎陰虛。絡中熱。肝風動。腸紅三載不已。左脇及腹不

爽。少陽亦逆。多以補中調攝。故未見奏功。姑用疎補為

益臟通腑。

熟地炭

炒當歸

炒查肉

炒地榆

炒丹皮

冬桑葉

又益陰泄陽。四劑血止。但腰痠腕中痺。咽燥喜涼飲。肛

熱若火。烙陽不和平。仍是陰精失涵。用虎潛法。

熟地炭

白芍

當歸

地榆炭

龜膠

知母

黃栢

猪脊髓丸

某沫血鮮紅。凝塊紫黑。陰絡傷損。治在下焦。况少腹痛。

血氣亦疲

石品登七百

便血

三五

癥肝腎見症。前此精濁日久。亦令陰傷於下。

人參

茯神

熟地炭

炒黑杞子

五味

炒地榆

生杜仲

又

左脉小數。堅肛墜脹。

人參

茯神

湖蓮肉

芡實

熟地炭

五味

奇脉傷

陳氏

脉小瀉血有二十年。經云陰絡傷。血內溢。自病起十

六載。不得孕育。述心中痛墜。血下不論。冀前冀後。問脊

椎腰尻痠楚。而經水仍至。跗膝常冷。而骨髓熱灼。由陰

液損傷。傷及陽不固密。閱頻年服藥。歸芪雜入涼肝焉。

血三十年受
諸虛必

是遵古治病議從奇經升固一法。

鹿茸

鹿角霜

枸杞子

歸身

紫石英

沙苑

生杜仲

炒大茴

補骨脂

禹餘糧石

蒸餅漿丸

勞力傷絡

張三九勞力見血。胸背脇肋諸脉絡牽掣不和。治在營絡。

人參

歸身

白芍

茯苓

炙草

肉桂

血瘀在絡

計三五瘀血必結在絡。絡反腸胃而後乃下。此一定之理。平

昔勞形奔馳寒暄飢飽致傷。苟能安逸身心瘀不復聚。

不然年餘再瘀不治。

下瘀血非
凡門治法

防血崩耳非
足門治法也

臨江府南醫家
卷十

旋覆花

新絳

青葱

桃仁

當歸鬚

栝子仁

宋氏 當年腸紅。繼衄血喉痛。已見陽氣乘絡。絡為氣乘。漸

若懷孕者。然氣攻則動如梭。與胎動迥異。倘加勞怒。必
有污濁暴下。推理當如是觀。

栝子仁

澤蘭

卷柏

黑大豆皮

茯苓

大腹皮

便血一症。古有腸風。臟毒。脉痔之分。其見不外乎風

淫腸胃。濕熱傷脾二義。不若內經謂陰虛受傷。及結

陰之旨。為精切。仲景之先便後血。先血後便之文。尤

簡括也。陰絡卽臟腑隸下之絡。結陰是陰不隨陽之徵。以先後分別其血之遠近。就遠近可決其臟腑之性情。庶不致氣失統攝。血無所歸。如漏卮不已耳。肺病致燥。瀆宜潤。宜降。如桑麻丸。及天冬地黃銀花柿餅之類是也。心病則火燃。血沸。宜清。宜化。如竹葉地黃湯。及補心丹之類是也。脾病必濕滑。宜燥。宜升。如茅朮理中湯。及東垣益氣湯之類是也。肝病有風陽痛迫。宜柔。宜泄。如駐車丸。及甘酸和緩之劑是也。腎病見形消。腰折。宜補。宜填。如虎潛丸。及理陰煎之類是也。至膽經爲樞機。逆則木火煽營。有桑葉山梔柏

人必言開胃
而胃之法不越
數語矣

哉是言非
其所好也

子丹皮之清養。大腸爲燥腑。每多濕熱風淫。如辛涼
苦燥之治。胃爲水穀之海。多氣多血之鄉。臟病腑病。
無不兼之。宜補宜和。應寒應熱。難以拘執而言。若努
力損傷者。通補爲主。膏粱蘊積者。清踈爲宜。痔瘡則
滋燥兼投。中毒須知寒熱。餘如黑地黃丸以治脾濕。
腎燥。天真丸以大補真氣真精。平胃地榆之升降脾。
胃歸脾之守補心脾。斑龍以溫煦竒督。建中之復生。
陽。枳朮之踈補中土。禹糧赤脂以堵截陽明。用五仁
湯。復從前之腸液。養營法善病後之元虛。此皆先生
祖古方面。運以匠心。爲後學之津梁也。邵新甫

脫肛

濕熱氣
虛下陷

翁五六

濕熱皆主傷氣。氣下陷墜肛而痛。溲溺後。陰囊筋牽着於肛。其痛為甚。夫厥陰肝脉。透陰。按脉濡弱。決非疎泄主治。議進陷者舉之。從東垣補中益氣湯。

氣虛下陷

孫

面色痿黃。腹痛下血。都因飲食重傷脾胃。氣下陷為脫肛。經月不愈。正氣已虛。宜甘溫益氣。少佐酸苦。務使中焦生旺。而穉年易虧之陰自堅。冀有向安之理。

人參

川連

炒歸身

炒白芍

炙草

廣皮

石蓮肉

烏梅

中益氣去
炭加酸收

腎氣不攝

又 肛翻純血。不但脾弱氣陷。下焦之陰亦不攝固。面色
言。已無華色。此益氣乃一定成法。攝陰亦不可少。然
幼穉補藥。須佐宣通。以易虛易實之體也。

人參 焦朮 廣皮 白芍 炙草

歸身 五味 升麻 醋炒 柴胡 醋炒

某 便後少腹痛。肛墜。溺則便滑。腎虛不攝。

熟地炭 五味 萸肉炭 茯苓

炒遠志 炒菟絲子

某 肛墜尻痛。利多傷陰。

熟地炭 五朮 茯苓 炒山藥

炒查肉

炒菟絲子

煎送禹糧石脂丸

王_二六陽氣下陷。腎真不攝。肛墜氣泄如風向老下元陽憊。

非升柴能舉其陷。

人參

鹿茸

補骨脂

炒大茴香

茯苓

調入陽起石三分

吳_六五脫肛漏血。遇勞即發。病經十六載。色萎黃。背脊痛。診

脉尺中下垂。法當升陽攝陰。兼理奇脉。

斑龍丸加五味子蜜丸


脫肛一症其因不一。有因久痢久瀉。脾腎氣陷而脫

者。有因中氣虛寒。不能收攝而脫者。有因酒濕傷脾。

色慾傷腎而脫者。有因腎氣本虛。關門不固而脫者。有因濕熱下墜而脫者。又肛門為大腸之使。大腸受寒受熱。皆能脫肛。老人氣血已衰。小兒氣血未旺。皆易脫肛。經曰。下者舉之。徐之才曰。瀉可去脫。皆治脫肛之法也。觀先生治脫肛之症。亦不越乎升舉固攝益氣三法。如氣虛下陷而脫者。宗東垣補中益氣湯。舉陷為主。如腎虛不攝而脫者。宗仲景禹糧石脂丸。及熟地五味兔絲葷。固攝下焦陰氣為主。如肝弱氣陷。脾胃氣虛下陷而脫者。用攝陰益氣。兼以酸苦泄熱為主。如老年陽氣下陷。腎真不攝而脫者。又有鹿

茸陽起石等。提陽固氣一法。汪詠菴云。有氣熱血熱。而肛反挺出者。宜用苧連槐栢及四物升柴之類。愚謂卽或間有此症。終非可訓之法。存之以質君子。鄒

滋九



臨明近間百此燕燕非何確之去齊之以資甚于
而或又獎出者宜佩萃豈豈蘇又四四沃榮之
萬壽張百善其國深一志玉培蕃云青泉燕

痿

○
焦肺熱葉

湯六有年偏痿。日瘦。色蒼脉數。從金匱肺熱葉焦則生痿。

此為痿非金匱

躄論

○玉竹

大沙參

地骨皮

麥冬

桑葉

苦百合

甜杏仁

恐未必效

徐三面癭跗奕。此屬肺熱痿躄。

連翹

花粉

黑山梔

赤小豆

桑葉

白通草

○濕火

張濕中伏熱。沉着下焦。用苦勝濕。辛通氣分。然必循經。

第壹百廿七卷

痿

聖

入絡。漸次達及陽明。

綿茵陳三錢

生茅朮五分

黃柏半錢

晚蚕沙一錢

寒水石三錢

茯苓皮三錢

又色蒼脉實。體質強壯。雖年踰四旬。氣元充旺。詢知平

日。善啖酒醴甘肥。此釀成濕火。蘊結下焦。今少腹微腫

硬。二便滯澇。自覺少腹氣脹上冲。兩足沉重。艱於步履。

腿胫皮中甚熱。即內經所云濕熱不攘。大筋綆短。小筋

弛長。綆短為拘。弛長為痿也。更述曾因熬煉膏藥。中有

麝蟲蜈蚣等物。吸受穢濁毒氣。未始非與濕熱糾蓄。沉

伏下焦。前議苦辛寒燥。茲再佐以搜逐絡隧。然此病從

口而入。必茹素戒飲。一二年之久。病根可拔。當恪守勿懈為要。

綿茵陳 三錢 黃栢 一錢 川草薺 一錢 茯苓皮 三錢

金鈴子 一錢 穿山甲 三錢 大槓榔汁 一錢

又 綿茵陳 草薺 茯苓皮 黃栢 蚕沙

漢防已 龍胆草 山梔 青黛

又 病去七八。常服二妙丸可也。

黃栢 八兩 略炒 茅山木 米泔浸切片同烏芝藤拌飯上蒸三五次去芝藤焙乾三兩

二味研末水法丸空心服三錢開水下

濕熱蒸 爍筋骨 吳十二 雨濕泛潮外來。水穀聚濕內起。兩因相湊。經脉為痺。

始病繼以瘡痍。漸致痿痺筋弛。氣隧不用。濕雖阻氣。而熱蒸爍及筋骨。久延廢棄有諸。

大豆黃卷 飛滑石 杏仁 通草 木防已

胃氣窒
筋骨不利

廉三診脉論體。從遺精漏瘍。繼而環跳穴痛。遂不堪行走。

臟陰傷及腑陽。陽氣日加窒塞。經脉不司舒展。食入壅腕欲吐。大便旬日不通。痞阻日甚。而為痿症。內經論治痿獨取陽明。無非流通胃氣。蓋胃脉主乎束筋骨利機關竅也。議用加味溫胆湯。

又大便旬日不通。用更衣丸。取意小腸火腑。非苦不通。非下不奪也。

邪風入絡

某五歲頭目口鼻喎邪繼而足痿此邪風入絡所致

羚羊角

犀角

玄參

細生地

黃栢

川斛

川草薺

陽明虛營絡熱內風動

俞

五旬又四陽氣日薄陽明脉絡空乏不司束筋骨以

流利機關肩痛肢麻頭目如蒙行動痿弱無力此下虛上實絡熱內風沸起當入夏陽升為甚燥濕利痰必不應病議清營熱以熄內風

犀角

鮮生地

玄參心

連翹心

冬桑葉

丹皮

鈎藤

明天麻

肝胃虛內風動

陳

陽明脉空厥陰風動自右肩臂漸及足跗痿躄長夏

氣泄。秋半不主收肅。顯然虛症。先用通攝方法。

淡菴蓉 熟地 杞子 川牛膝

川斛 茯苓 遠志炒黑 石菖蒲

肝胃虛

夏四自穉壯失血遺精。兩交夏月。四肢痿癱。不得轉動。指

節亦不能屈曲。凡天地間。冬主收藏。夏主發洩。內損多

年不復元。陽明脉衰所致。

當歸 羊肉膠 杞子 鎖陽

菊花炭 茯苓 青鹽

胃陽督腎皆虛

吳三九下焦痿躄。先有遺泄。濕癆。頻進滲利。陰陽更傷。雖有

參芪朮。養脾肺以益氣。未能救下。卽如畏冷陽微。幾日

飯後吐食。乃胃陽頓衰。應乎外衛失職。但下焦之病。多屬精血受傷。兩投柔劑。溫通之補。以腎臟惡燥。久病宜通任督。通攝兼施。亦與古賢四斤金剛健步諸法互參。至於胃藥。必須另用。夫胃腑主乎氣。氣得下行爲順。東垣有升陽益胃之條。似乎相悖。然苓連非苦降之氣味乎。凡吐後一二日。暫停下焦血分藥。卽用扶陽理胃二日。俾中下兩固。經旨謂陽明之脈。束筋骨以利機關。諒本病必有合矣。

鹿茸

淡菴蓉

當歸

杞子

補骨脂

巴戟天

牛膝

栝子仁

茯苓

川斛

濕熱肝腎虛

吐後間服大半夏湯加淡乾薑薑汁

沈長夏濕熱經脈流行氣鈍兼以下元絡脈已虛痿弱

不耐步趨常似酸楚大便或結或溏都屬肝腎為病然

益下必佐宣通脈絡乃正治之法倘徒呆補恐季夏後

濕熱還擾須為預理

鹿角霜 當歸 生茅朮 熟地薑汁製 茯苓

桑椹子 菴蓉 巴戟 遠志 小茴

金毛狗脊三觔酒蒸水熬膏和丸淡鹽湯送下

李四九痿躄在下肝腎病多但素飲必有濕熱熱瘀濕滯氣

血不行筋縮肌肉不仁體質重着難移無非濕邪之深

沉也。若論陽虛，不該大發瘡癩。但久病非速攻，莫計效遲。方可愈疾。

細生地

鹹菴蓉

當歸鬚

牛膝

黃栢

生刺蒺

川斛

葶藶

包三五寢食如常。脉沉而緩，獨兩腿內外肌肉麻木。五旬又三。陽脉漸衰，躄維不為用事。非三氣雜感也。温通以佐脉絡之流暢。倣古賢四斤金剛之屬。

淡菴蓉

枸杞子

牛膝

茯苓

白蒺藜

木瓜

葶藶

金毛狗脊膏丸

郭兩足痿弱。遇冷筋掣。三年久病。藥力焉得速拔。况不

明受病何因。徒見病而治。難期速功。據云精滑溺後。通納下焦為宜。

淡菴蓉

茯苓

川斛

生茅朮

生杜仲

金毛狗脊

脾腎虛

沈四

眩暈怔忡。行走足肢無力。肌肉麻木。骨節色變。早晨

腹鳴瘕泄。此積勞久傷陽氣。肝風內動。勢欲痿厥。法當

脾腎雙補。中運下攝。固體治病。

。脾腎雙補丸。山藥粉丸。

繆仲淳方

肝腎虛

沈三

寢食如常。儀容日瘦。語言出聲。舌絡牽強。手足痿弱。

不堪動作。是肝腎內損。漸及奇經諸脉。乃痿痺之症。未

能驟期速功。地黄飲子去萸味桂

席 雨水後診得右脉頗和左關尺大堅搏不附骨春陽

初萌裏真漏泄有風動枯痿之慮議乙癸同涵意

熟地 淡菴蓉 杞子 五味 萸肉

牛膝 川斛 茯神 菊花 山藥粉丸

李氏 右肢附足無力如痿交子夜痰多噎嗽帶下且頻是

寒衝脉虛

衝脉虛寒浮火上升非治嗽清熱夫衝為血海隸於陽

明女科八脉奇經最要內經論之女子五七年歲陽明

日衰今天癸將絕年歲脉絡少氣非見病治病膚淺之

見愚意通陽攝陰以實奇脉不必縷治

腎陽奇
脈兼虛

薛氏加減八味丸二兩勻七服鹽湯送下

許

金瘡去血。乃經脈營絡之傷。若損及臟腑。倏忽莫救。

後此嗔怒動肝。屬五志中。陽氣逆逆。與客邪化火兩途。

苦辛泄氣。頻服既多。陽遂發泄。形雖若豐盈。而收藏固。

攝失職。少腹約束。陽道不舉。背脊喜靠。步履無力。皆是。

痿弱症端。漸至痿廢。議以通納之法。端事涵養生真。冀。

下元之陽。八脈之氣。收者收。通者通。庶乎近理。

。鹿角霜 淡菴蓉乾 生菟絲粉 生杜仲粉

歸身 五味 大茴香 遠志

家韭子 覆盆子 雲茯苓 蒜汁泛丸

唐三脉左沉小右弦兩足腰膝痿與無力舌本腫脹劑頸
轟然蒸熱痰涎湧出味鹹此腎虛收納少權督脉不司
約束陰火上泛內風齊煽久延痿厥沉疴病根在下通
奇脉以收拾散越之陰陽爲法

虎潛去知栢歸加枸杞青鹽羊肉膠丸

下焦陰虛

萬脉濡弱右大心熱煩渴兩足膝腰髀伸縮不得自如

此乃下焦陰虛熱燥筋骨而爲痿躄

生虎潛去龜廣鎖加玄參

骨痿

黃二冬藏精氣既少當春夏發泄失血遺精筋弛骨痿不

堪行走精血內怯奇脉中少氣三年久損若不絕慾安

間有痿廢難狀之疾。

○鹿筋膠

○羯羊肉膠

牛骨髓

猪脊髓

線魚膠

菴蓉乾

紫巴戟

枸杞子

茯苓

沙苑子

牛膝

青鹽

某

病後陰傷骨痿

○生杜仲

熟地

龜甲

黃栢

虎骨

牛膝

當歸

巴戟

○督陽虛

某

症如歷節但汗出筋縱而痛冬月為甚腰脊偃僂形

俯據述未病前夢遺已久是精血內損無以營養筋骨

難與攻迫議香茸丸温通太陽督脉

鹿茸 三兩

生當歸 二兩

麝香 一錢

生川烏 五錢

雄羊腎三對酒煮爛搗丸

經云肺熱葉焦則生痿癭。又云治痿獨取陽明。以及

脉痿筋痿肉痿骨痿之論。內經於痿症一門可謂詳

審精密矣。奈後賢不解病情。以諸痿一症。或附錄於

虛勞。或散見於風濕。大失經旨。賴丹溪先生特表而

出之。惜乎其言之未備也。夫痿症之旨。不外乎肝腎

肺胃四經之病。蓋肝主筋。肝傷則四肢不為人用。而

筋骨拘攣。腎藏精。精血相生。精虛則不能灌溉。諸末

血虛則不能營養。筋骨肺主氣。為高。清之臟。肺虛則

高源化絕化絕則水涸水涸則不能濡潤筋骨陽明
爲宗筋之長陽明虛則宗筋縱宗筋縱則不能束筋
骨以流利機關此不能步履痿弱筋縮之症作矣故
先生治痿無一定之法用方無獨執之見如衝任虛
寒而成痿者通陽攝陰兼實竒脉爲主濕熱沉着下
焦而成痿者用苦辛寒燥爲主腎陽竒脉兼虛者用
通納八脉收拾散越之陰陽爲主如下焦陰虛及肝
腎虛而成痿者用河間飲子虎潛諸法填納下焦和
肝熄風爲主陽明脉空厥陰風動而成痿者用通攝
爲主肝腎虛而兼濕熱及濕熱蒸灼筋骨而成痿者

益下佐以溫通脈絡。兼清熱利濕爲主。胃虛室塞。筋
骨不利而成痿者。用流通胃氣。及通利小腸火腑爲
主。胃陽腎督皆虛者。兩固中下爲主。陽明虛。營絡熱
及內風動而成痿者。以清營熱。熄內風爲主。肺熱葉
焦而成痿者。用甘寒清上熱爲主。邪風入絡而成痿
者。以解毒宣行爲主。精血內奪。奇脈少氣而成痿者。
以填補精髓爲主。先生立法精詳。真可垂諸不朽矣。
鄒滋九

痺

周痺

吳 風濕相搏。一身盡痛。加以墮水。外寒裏熱。痛極發厥。此屬周痺。

桂枝木

片薑黃

羚羊角

海桐皮

花粉

白蒺藜

又 照前方去薑黃白蒺加大豆黃卷木防已

鮑四 風濕客邪。留於經絡。上下四肢流走而痛。邪行觸犯

不拘一處。古稱周痺。且數十年之久。豈區區湯散可效

凡新邪宜急散。宿邪宜緩攻。

蟻螂蟲

全蝎

地龍

穿山甲

蜂房

川烏

麝香

乳香

右藥製末以無灰酒煮黑大豆汁泛丸

杜三溫暖開泄驟冷外加風寒濕三氣交傷為痺遊走上

下為楚邪入經隧雖汗不解貴乎宣通

桂枝

杏仁

滑石

石膏

川萆薢

漢防已

苡仁

通草

又經脉通而痛痺滅絡中虛則痿弱無力周身汗出陽

泄已多豈可再用苦辛以傷陽泄氣乎內經以筋緩為

陽明脉虛當宗此旨

黃芪木 防風 白木 茯苓 炙草

桂枝 當歸 白芍 苡仁

又大凡邪中於經為痺邪中於絡為痿今痺痛全止行走痿弱無力經脉受傷陽氣不為護持法當溫養通補經旨春夏養陽重在扶培生氣耳

黃芪 四兩 茯苓 三兩 生白木 三兩 炙草

淡菴蓉 二兩 當歸 三兩 牛膝 二兩 仙靈脾 二兩

虎骨膠 金毛狗脊 十二兩無灰酒浸半日蒸熬膏膠膏為丸

劉一瀕海颶風潮濕着於經脉之中此為周痺痺則氣血不通陽明之陽不主司事食腥膩遂不化為溏瀉病有

六七年正虛邪實不可急攻宜緩

生白木 生黃芪 海桐皮 川桂枝木

羌活 防風根

行痺

周 痛勢流走而腫後感外邪參藥不可與也從行痺治

羌活 木防已 石膏 生甘草

海桐皮 杏仁

吳 寒入陰分筋骨痛奕此為痺症遺泄內虛忌用表散

劫真

當歸 沙苑 北細辛 桂枝木

生白朮 茯苓

又 虎骨 當歸 北細辛 生白朮 茯苓

又 行痺入左足。

生虎骨 防已 葶藶 苡仁

半夏 茯苓

某氏風濕化熱萃於經脉。腫痛游走。病名行痺。世俗呼為

歷節風是也。

桂枝 羌活 石膏 甘草

杏仁 防風

又 行痺。腹中痛。便難。不知飢。

瓜蒌皮 紫苑 杏仁 鬱金

肢痺

半夏

山梔

桑枝

愈。肩胛連及臂指走痛而腫。一年乃肢痺也。絡虛留邪。

和正祛邪。

黃芪

防風

海桐皮

生白朮

歸身

川羌活

片薑黃

白蒺藜

李三脉小弱。當長夏四肢痺痛。一止之後。筋骨不甚舒展。

此衛陽單薄。三氣易襲。先用陽明流暢氣血方。

黃芪

生白朮

漢防已

川獨活

苡仁

茯苓

朱三二肢痺痛頻發

羚羊角 木防已 川桂枝尖 晚蚕沙

川萆薢 白通草 生苡仁 茯苓

汪 冬月温暖真氣未得潛藏邪乘內虛而伏因驚蟄節

春陽內動伏氣乃發初受風寒已從熱化兼以夜坐不

眠身中陽氣亦為泄越醫者但執風寒濕三邪合成為

痺不曉病隨時變之理羌防葛根再泄其陽必致增劇

矣焉望痛緩議用仲景木防已湯法

木防已 石膏 桂枝 片薑黃

杏仁 桑枝

又 氣中伏邪得宜右肢痺痛已緩血分留熱壅着左肢

痛勢未衰。足微腫。體質陰虛。仍以宣通輕劑。

羚羊角
桂枝木
片薑黃
花粉

木防已
杏仁
桑皮

顧 濕熱流着。四肢痺痛。

川桂枝
木防已
蚕沙
石膏

杏仁
威靈仙

寒濕

某 左脉如刃。右脉緩濇。陰虧本質。暑熱為瘧。水穀濕氣

下墜。肢末遂成攣痺。今已便瀉減食。畏冷。陽明氣衰極

矣。當緩調。勿使成疾。

生白朮
狗脊
獨活
茯苓

木防已

仙靈脾

防風

威靈仙

又

濕痺。脉絡不通用。苦温滲濕。小效。但汗出。形寒泄瀉。陽氣大傷。難以濕甚。生熱。例治。通陽。宣行。以通脉絡。生氣周流。亦却病之義也。

生於朮

附子

狗脊

苡仁

茯苓

萆薢

徐九長夏濕勝氣阻。不飢不食。四肢痺痛。痛甚於午後。子

前乃陽氣被陰濕之遏。色痿黃。脉小澹。以微通其陽。忌

投劫汗。

茯苓

萆薢

木防已

晚蚕沙

澤瀉

金毛狗脊

黎 肢膝麻痺。足膝為甚。

當歸

杞子

生虎骨

油松節

各二兩

川芎

狗脊

萆薢

淮牛膝

仙靈脾

檀香泥

白茄根

沙苑

各一兩

火酒醇酒各半浸七日

某七三 寒濕滯於經絡。身半以下筋骨不舒。二便不爽。若非

迅疾飛走不能效。蠲痛丹

某 勞力感濕。腰痺酸痛。四肢乏力。

生杜仲

生苡仁

沙苑子

茯苓

粗桂枝木

金毛狗脊

晚蚕沙

木防已

某十五年。中痺痛三發。述痛久流。及肢節骨節。屈曲之。所皆腫赤。此寒濕變熱為欲解。病在軀殼筋骨。無害命之理。但病深沉下甚。已屬陰邪。小腹脹。小溲全無。

川獨活八分 漢防已八分 川熟附八分 粗桂枝木一錢

茯苓五錢 川草薺一錢 木猪苓一錢

又 生白朮三錢 茯苓三錢 川熟附一錢 川獨活五分

北細辛一分 漢防已五分 猪苓一錢 澤瀉一錢

又 陽虛濕痺。痺愈下焦無力。用幹旋其陽。

茯苓四兩 生白朮二兩 泡淡生乾薑一兩 肉桂五錢

已上四味。生研末。滾水泛丸。每早服三錢。開水下。

何三脉沉。目黃舌腫。周身四肢疹發。胃痛。肢末皆腫強。遇
冷飲涼卽病。此久伏濕邪。陽氣傷損。議溫氣分以通周
行之脉。

川烏頭

生白朮

桂枝木

茯苓

半夏

薑汁

唐 嫗 右後脇痛連腰膀。發必惡寒逆冷。暖護良久乃溫。此

脉絡中氣血不行。遂至凝塞爲痛。乃脉絡之痺症。從陽
維陰維論病。

鹿角霜

小茴香

當歸

川桂枝

沙苑

茯苓

風濕

王 努力。經氣受傷。客邪乘衛陽之疎而入。風濕阻遏經

隧為腫為痛。大汗連出痛仍不止。而大便反滑。其濕邪

無有不傷陽氣者。固衛陽以却邪。古人正治以濕家忌

汗耳。

生於朮 三錢

防風根 五分

生黃芪 三錢

片薑黃 一錢

桂枝木 五分

海桐皮 一錢

羌活 五分

獨活 五分

又 人參 一錢

生於朮 二錢

黃芪 三錢

炒當歸 一錢

川桂枝 一錢

炙甘草 五分

煨薑 七分

南棗 二枚

又 風濕腫痺。舉世皆以客邪宜散。愈治愈劇。不明先因

勞倦內傷也。蓋邪之所奏。其氣必虛。參朮益氣。佐以風

藥氣壯托出其邪。痛斯止矣。病人自云手足如墮如無。詎非陽微不及行乎。四末乎。此皆悞治致參藥過費耳。

人參 一錢

生於朮 二錢

黃芪 二錢

歸身 一錢

肉桂 三分

炙甘草 三分

煨薑 一錢

南棗 一枚

又 遺泄陰傷兼以斂攝。

人參 一錢

生於朮 二錢

黃芪 三錢

歸身 一錢

炙草 五分

熟地 三錢

茯神 三錢

五味 五分

白芍 一錢

人參 二兩

黃芪 四兩

茯神 二兩

杞子 二兩

鹿角霜 二兩

鹿茸 二兩

歸身 三兩

炙草 一兩

菊花炭 二兩

煉蜜丸

九方

王

風濕痺痛

防已

生於木

川獨活

茯苓

炒黃柏

生苡仁

又 痺在四肢。

○ 羚羊角

白蒺藜

海桐皮

滑石

大豆黃卷

苡仁

又 照前方去蒺藜苡仁加連翹青菊葉花粉

又 羚羊角

犀角

連翹

海桐皮

大豆黃卷

花粉

薑黃

金銀花

金 風濕熱走痛。二便不通。此痺症也。

杏仁

木防已

寒水石

鬱金

生石膏 木通

李 風濕肌腫而痛畏熱

炒黃栢 茅朮 製疾藜 木防已

秦艽 鈎藤

又 黃栢 防已 茯苓 苡仁

萆薢 虎骨

楊 四肢流走痺痛風勝移走濕凝為腫下焦為甚邪人

陰分 蠲痛丹

蔣氏 便溏食少腰腹已下骨節沉痛

人參 生於朮 製白松香 茯苓

漢防已

北細辛

川獨活

苡仁

王 身半已上屬陽風濕雨露從上而受流入經絡與氣

血交混遂為痺痛經月來外邪已變火化攻散諸法不

能取效急宜宣通清解毋使布及流注

防已

薑黃

蚕沙

杏仁

石膏

滑石

毛氏 風濕相搏一身腫痛周行之氣血為邪阻蔽倣仲景

木防已湯法

木防已

石膏

杏仁

川桂枝

威靈仙

羌活

濕熱

洪^{三四}濕盛生熱生痰。漸有痿痺之狀。乃陽明經隧為壅。不可拘執。左屬血。右屬氣也。金匱云。經熱則痺。絡熱則痿。今有痛處。治在氣分。

生於朮

錢三

生黃芪

錢三

片薑黃

錢一

川羌活

錢一

半夏

錢一

防風

錢五分

加桑枝

錢五

又 芪朮固衛升陽。左肩胛痛未已。當治營中。以辛甘化

風法。

黃芪

當歸

炙草

防風

桂枝

肉桂

張 骨節走注行痛。身體重著不能轉舒。此為濕痺。但陽

虛之質。忌辛散苦寒藥。

桂枝木

木防已

苡仁

羚羊角

大豆黃卷

杏仁

橘紅

方

左脉弦大。面赤痰多。大便不爽。此勞怒動肝。令陽氣

不交於陰。陽維陽躄二脉無血營養。內風爍筋。跗躄痺痛。暮夜為甚者。厥陰旺時也。病在脉絡。

金斛

晚蚕沙

漢防已

黃柏

半夏

萆薢

大柝榔汁

又痛右緩。左痛濕熱未盡。液虛風動也。

生地

阿膠

龜版

稽豆皮

茯苓

通草

某^{九十}舌白目彩油光腰痺痛濕邪內蘊尙未外達必分利
濕邪爲主

杏仁

蘇梗

木防已

厚朴

茯苓皮

花粉

晚蚕沙

茵陳

吳^氏風濕化熱蒸於經絡周身痺痛舌乾咽燥津液不得
升降營衛不肯宣通怕延中痿

生石膏

杏仁

川桂枝

苡仁

木防已

又 石膏

杏仁

木防已

炒半夏

橘紅

黑山梔

薑汁

竹瀝

石 脉數右大溫漸化熱灼及經絡氣血交阻而為痺痛
陽邪主動自為遊走陽動化風肉腠浮腫俗諺稱為白
虎歷節之謂。

川桂枝

木防已

杏仁

生石膏

花粉

鬱金

又 照前方去鬱金加寒水石晚蚕沙通草

又 脉大已減右數象未平痛緩什七肌膚甲錯發癢腹

微滿大便不通陽明之氣未化熱未盡去陰已先虛不

可過劑。

麻仁

鮮生地

川斛

丹皮

寒水石 鈎藤

某 久痺釀成歷節。舌黃痰多。由濕邪阻着經脉。

漢防已 嫩滑石 晚蚕沙 寒水石

杏仁 苡仁 茯苓

濕熱入血絡

宋 病者長夏霉天奔走。內踝重墜發斑。下焦痛起。繼而

筋掣及於腰窩。左臂經云。傷於濕者。下先受之。夫下焦

奇脉不流行。內踝重着。陰維受邪。久必化熱。爍血風動

內舍乎肝胆。所謂少陽行身之側也。診得右脉緩。左脉

實。濕熱混處血絡之中。搜逐甚難。此由濕痺之症失治。

延為痿廢沉痾矣。三年病根非倉猝迅攻。姑進宣通營

絡。叅之奇經爲治。考古聖治痿痺。獨取陽明。惟通則留。邪可拔耳。

鹿角霜

生白朮

桂枝

茯苓

撫芎

歸鬚

白茯苓

黃菊花

某 初病濕熱在經。久則瘀熱入絡。膿瘍日多未已。漸而筋骨疼痛。金匱云。經熱則痺。絡熱則痿。數年宿病。勿事速攻。夜服蒺藜丸。

服午

犀角

玄參

連翹心

野赤豆皮

細生地

丹參

薑黃

桑枝

痰血壅塞經絡

張九 四肢經隧之中。遇天令陰晦。疼痛拘攣。癰疽瘍潰膿。

防已

桑枝

海桐皮

片薑黃

又 症已漸安。脈絡有流通意。仲景云。經熱則痺。絡熱則痿。知風搖於內。治以甘寒。寒可去熱。甘味不傷胃也。

甜杏仁

連翹

玄參

花粉

菘豆皮

梨汁

又 餘熱尚留。下午足寒。晨餐頸汗。胃未調和。食不甘美。因大便微溏。不必過潤。

北沙參

麥冬

川貝

川斛

陳皮

穀芽

肝陰虛
瘧邪入

沈三七 用養肝血。熄風方。右指仍麻。行走則屈伸不舒。戊亥

原书缺页

原书缺页

血絡

必心熱煩蒸。想前法不效。杞歸辛溫。陽動風亦動矣。議去辛用鹹。若疑慮。遂次瘧邪未盡。致脉絡留滯。兼以通逐。緩攻亦妙。

熟地

龜膠

阿膠

秋石

天冬

麥冬

五味

茯神

蜜丸晨服

桃仁

穿山甲

乾地龍

撫芎

歸鬚

丹皮

紅花

沙苑

香附汁丸夜服

熱入下焦血分

某

仲景以經熱則痺。絡熱則痿。今痺痛多日。脉中筋急。

熱入陰分血中。致下焦為甚。所謂上焦屬氣。下焦屬血。

耳

柏子仁

當歸

丹皮

鈎藤

川斛

沙苑

又

痺痛右膝甚

生虎骨

栢子仁

牛膝

萆薢

苡仁

茯苓

風寒濕
入下焦

某

四脉弦勁。右足踝腫痛。得煖得摩稍適。此風寒濕三

經隧

氣混入經隧而為痺也。當用辛溫宣通經氣為要。

活絡丹一丸陳酒下

某

痺痛在外踝筋骨妨於行走邪留經絡須以搜剔動

藥

氣滯熱鬱

川烏 全蝎 地龍 山甲 大黑豆皮

某病後過食肥膩氣滯熱鬱口膩粘涎指節常有痺痛

當從氣分宣通方法

蘇梗 杏仁 薑皮 鬱金

半夏麩 橘紅

肝胃虛滯

陳五 勞動太過陽氣煩蒸中年液衰風旋周身痺痛此非

客邪法宜兩調陽明厥陰

黃芪 生白朮 製首烏 當歸

白蒺藜 黑糯米皮

肝胆風熱

張五 煩勞鬱勃之陽變現熱氣內風內經以熱滯風消必

官部發... 痺 畜

用甘寒。前議謂酒客不喜甘味。且痰多食少亦忌甘膩。滋滯。用清少陽胆熱者。酒氣先入肝胆也。酒汁濕着腸胃受之。理明以通胃。胃腸氣機流行。食加。滑泄頗膩。今者氣熱當午上冒。經絡痺痛亦減於平日。主以和陽甘寒。宜通經脈佐之。

童桑

羚羊角

天門冬

枸杞子

白蒺

丹皮

茯苓

霍山石斛

共熬膏

某氏

血虛風痺。骨節腫痛。

羚羊角

細生地

玄參

當歸

桂枝

桑枝

白蒺藜

精血虛

金三痺痛在下重着不移論理必係寒濕但左脉搏數經

月遺泄三四痛處無形豈是六淫邪聚然隧道深遠藥

餌未易奏功佐以艾灸冀得效靈

枸杞子 肉蓯蓉 虎骨膠 麋角膠 杜仲

桑椹子 天冬 沙苑 茯苓 溶膠丸

孫 脉右太陽明空氣短閃爍欲痛

人參 生黃芪 熟白朮 炙草 廣皮

當歸 白芍 半夏 防風根 羌活

又 益氣頗安知身半已上痺痛乃陽不足也

人參 黃芪 熟於朮 炙草

氣虛

何中登七百一

痺

奎

營虛

桂枝

歸身

白芍

川羌

沈 痺痛在右氣弱有痰

生於木

川桂枝

川獨活

片薑黃

白茯苓

陳防已

王

辛香走竄宣通經髓壅結氣分之濕有却病之能無

補虛之益大凡藥餌先由中宮以布諸經中焦為營氣

之本營氣失養轉旋自鈍然攻病必藉藥氣之偏朝夕

更改豈是去疾務盡之道另於暮夜進養營一貼

人參

茯苓

桂枝木

炙草

當歸

炒白芍

南棗

筋痺

吳三六筋縱痛甚邪留正痺當此天暖間用針刺以宣脈絡

初補氣血之中必佐宣行通絡之治

生黃芪

防風

桂枝

炒黑常山

歸身

青菊葉汁

滯血中氣

某痺痛偏左入夜尤甚血中之氣不行

歸鬚

桑枝

苡仁

白蒺藜

薑黃

木防已

清血虛

劉三八周禮採毒藥以供醫事蓋因頑鈍沉痾着於軀殼非

臟腑虛損故必以有毒攻拔使邪不留存凝着氣血乃效既效矣經云大毒治病十去其五當此只宜愛護身

臨證指南醫案 卷一
體勿勞情志。便是全功。道理。愚人必曰。以藥除根。不知
天地之氣。有勝有復。人身亦然。穀食養生。可御一生。藥
餌偏勝。豈可久服。不觀方士。煉服金石丹藥。疽發而死
者比比。

何首烏

黑芝蔴

桑枝桂枝湯泛丸

營中執

某 脈沉小數。營中留熱。筋骨尙有微疼。宜通經絡。佐清

營熱。

鈎藤

細生地

當歸鬚

白蒺藜

丹皮

片薑黃

此症與風病相似。但風則陽受之痺。則陰受之。故多

重着沉痛。其在內經。不越乎風寒濕三氣。然四時之
令。皆能爲邪。五臟之氣。各能受病。其實痺者。閉而不
通之謂也。正氣爲邪所阻。臟腑經絡不能暢達。皆由
氣血虧損。腠理踈豁。風寒濕三氣。得以乘虛外襲。留
滯於內。致濕痰濁血流。注凝滯而得之。故經云。三氣
雜至。合而爲痺。又云。風勝爲行痺。寒勝爲痛痺。濕勝
爲着痺。以及骨痺。筋痺。脉痺。肌痺。皮痺之義。可知痺
病一症。非偏受一氣。足以致之也。然而病症多端。治
法亦異。余亦不能盡述。茲以先生治痺之法。爲申明
一二。有衛陽踈。風邪入絡。而成痺者。以宣通經脉。甘

寒去熱爲主。有經脈受傷。陽氣不爲護持而爲痺者。以溫養通補扶持生氣爲主。有暑傷氣濕熱入絡而爲痺者。用舒通脈絡之劑。使清陽流行爲主。有風濕腫痛而爲痺者。用參朮益氣。佐以風藥壯氣爲主。有濕熱傷氣及溫熱入血絡而成痺者。用固衛陽以却邪。及宣通營絡。兼治奇經爲主。有肝陰虛。瘧邪入絡而爲痺者。以鹹苦滋陰。兼以通逐。緩攻爲主。有寒濕入絡而成痺者。以微通其陽。兼以通補爲主。有氣滯熱鬱而成痺者。從氣分宣通爲主。有肝胃虛滯而成痺者。以兩補厥陰。陽明爲治。有風寒濕入下焦經隧。

而爲痺者。用辛溫以宣通經氣爲主。有肝胆風熱而成痺者。用甘寒和陽。宣通脈絡爲主。有血虛絡滯及營虛而成痺者。以養營養血爲主。又有周痺行痺肢痺筋痺。及風寒濕三氣雜合之痺。亦不外乎流暢氣血。祛邪養正。宣通脈絡諸法。故張景岳云。治痺之法。祇宜峻補真陰。宣通脈絡。使氣血得以流行。不得過用風燥等藥。以再傷陰氣。亦見道之言也。鄒滋九

痙厥

痰火上
閉

李 先因嘔吐腹痛。隨卽昏迷。此氣火痰上蒙。清神爲厥。

先用烏梅擦牙。令牙關得開。然後用藥。至寶丹三分。

煎厥

某 陽氣暴張。精絕。令人煎厥。

細生地

一兩

阿膠

三錢

出山鉛

打薄五錢

調珍珠末

一錢

又 煎厥者。下焦陰液枯燥。衝氣上逆爲厥。議用鹹寒降

逆。血肉填陰。

細生地

玄參

龜膠

阿膠

淡菜

蚌水

又液涸消渴。都是臟陰爲病。前議填陰藥汁。膿膩不能多進。但胃口不醒。生氣何以再振。陽明陽土。非甘涼不復。况肝病治胃。自來有諸。

人參

麥冬

川斛

新會皮

白粳米

乾佩蘭葉

王四經云。煩勞則張。精絕辟積於夏。令人煎厥。夫勞動陽氣弛張。則陰精不司留戀其陽。雖有若無。故曰絕。積之既久。逢夏季。陽正開泄。五志火動。風生。若煎熬者然。斯爲暈厥耳。治法以清心益腎。使肝胆相火。內風不爲暴起。然必薄味靜養爲穩。

腎厥

連翹心

玄參心

竹葉心

知母

細生地

生白芍

某九二腎厥由背脊而升發時手足逆冷口吐涎沫喉如刀

刺蓋足少陰經脉上循喉嚨挾舌本陰濁自下上犯必

循經而至做許學士椒附意通陽以泄濁陰耳

炮附子

淡乾薑

川椒

胡盧巴

半夏

茯苓

薑汁泛丸

某

腎厥氣逆至頭

玉貞丸二十粒

臏中熱
鬱心竅

盛

九四臏上心下熱熾咽喉間陳腐氣遂神昏仆厥經時汗

出而醒病來口湧血沫乃臏中熱擁以致心竅受蒙若

非芳香清透不能宣通絡中瘀痺。

生烏犀角

一兩 天竺黃

丹參 一兩

鬱金 一兩

雲茯神

一兩 石菖蒲

麝香 一錢

冰片 五分

各生研野赤豆皮煎湯泛丸竹葉湯送下二錢食後

服

謝女熱鬱於內則機竅不靈春令升泄木火化風旋擾痰

癡搐搦有癩癩之慮不可進通經再劫其陰液。

細生地

鬱金

犀角

丹參

石菖蒲

生白芍

竹瀝

又

火淫於內治以苦寒佐以鹹寒

黃連

黃芩

黃柏

黑山梔

牡蠣

生地

冲入方諸水

又

脉左堅。經阻半載。戌亥陰時。厥逆肢掣。逾時方甦。卽

欲渴飲。龍薈宣竅。鹹苦清火未效。且大便兩旬不解。定

是熱結在血。倣古人厥應下之義。用張子和玉燭散。

玉燭散

温邪劫
液風陽

羅

温邪內陷。津液被劫。厥陽挾內風上逆。遂致痙厥。

上逆

生牡蠣

阿膠

熟地炭

生白芍

炒遠志

石菖蒲

又

厥陰悞進剛藥。五液劫盡。陽氣與內風鴟張。遂變爲

瘧。平昔內損。繼以暴邪。本屬難調。此陰氣竭絕。戊亥當
劫。

熟地炭

磁石

生白芍

木瓜

遠志

茯神

毛。瘦人而病溫熱。神呆舌赤。診脈時。兩手牽掣震動。此
津液受劫。肝風內鼓。是發瘧之原。議以養胃汁。熄肝風。
務在存陰耳。用仲景復脈湯法。去參薑桂。

余。脈細促。神迷。舌縮言蹇。耳聾。四肢牽引。牙關不緊。病
已月餘。乃溫邪劫液。陽浮獨行。內風大震。變幻瘧厥危
病。議以育陰熄風法。必得瘧止神清。方有轉機。

阿膠 二錢

雞子黃 一枚

人參 秋石拌 一錢

天冬 一錢

細生地 二錢

白芍 一錢

又 神氣稍甦。脉來歛靜。五液交涸。風陽尙動。滋液救其

焚燎。清補和陽去熱。用藥全以甘寒。津液來復。可望向

安。

阿膠

人參

淡菜

鮮生地

天冬

川斛

毛 少陰不藏。温邪深入。喘促汗出。渴不多飲。舌辛似縮。

症非輕小。擬用復脉湯。爲邪少虛多之治。去薑

又 舌絳汗泄。齒燥痰膩。熱劫津液。最防痙厥。

暑邪內陷胞絡閉結

復脉湯去薑桂

唐

積勞伏暑欲寐時心中轟然上升自覺神魂縹緲此皆陽氣上胃內風鼓動所以陡然昏厥

石膏

知母

甘草

粳米

生地

麥冬

竹葉心

方熱閉神狂因乎食復畏人與肢筋牽動仍屬暑病變

瘥通三焦以清神明冀有轉機紫雪丹二錢

又舌欲痿膚燥筋掣熱劫脂液殆盡為瘥用河間甘露

飲再服紫雪丹一錢

楊暑由上受先入肺絡日期漸多氣分熱邪逆傳入營

遂逼心胞絡中。神昏欲躁。舌音縮。手足牽引。乃暑熱深陷。謂之發瘧。熱閉在裏。肢體反不發熱。熱邪內閉。則外脫。豈非至急。考古人方法。清絡熱。必兼芳香。開裏竅。以清神識。若重藥攻邪。直走腸胃。與胞絡結閉無干涉也。

犀角

玄參

鮮生地

連翹

鮮菖蒲

銀花

化至寶丹四九

金 暑熱結聚於裏。三焦交阻。上則神呆不語。牙關不開。下則少腹衝氣。小溲不利。邪結皆無形之熱閉塞。漸有瘧厥之狀。昨大便既下。而現此象。豈是垢滯。議芳香宣竅。通解在裏蘊熱。紫雪丹一錢。五分開水化勻。三服。

細膩厚貼
氣分極種
一味滋陰之
極

鮑 舌白渴欲冷飲氣促喘咳而呃胸悶昏譫此暑風濕

熱穢濁痺塞宿垢尚在小腸旬日間漸變瘧厥是為險

機議逐穢結以冀稍清

大杏仁 連翹心 竹葉心 川貝母

菖蒲根汁 辰砂益元散 煎藥化牛黃丸一服

蔡 暑濕熱都着氣分乃消食苦降滋血亂治熱熾津涸

舌板成瘰究竟邪閉阻竅勢屬不穩

人參 生甘草 石膏 知母 粳米

肝風 潘二 肝陽化風上胃為厥風陽內燦脂液涸而作痛此非

實症剛燥忌用

生地

阿膠

牡蠣

天冬

茯神

生白芍

夏_二五_五 中年已後陽氣日衰。是下焦偏冷。陽不及護衛周身。

氣分更虛。右肢如痿。當春地氣上升。身中肝風大震。心嘈嗔怒。痰湧音啞。乃厥象也。皆本氣自病。最難見效。

熟地

熟淡附子

牛膝炭

炒麥冬

遠志炭

茯苓

馬 一面青眊白。入夜顴頰漸赤。耳聾舌心乾板而縮。並不渴飲。間有寒戰後熱。此厥陰肝臟液涸風旋。勢成瘧厥危症。勉從經旨之訓。辛苦急當食甘以緩之。

甘麥大棗湯加阿膠

陸面青頭痛動搖手足搖擗牽掣驚嚇惱怒病從肝起如饑求食晝夜無寐都是肝風盤旋鼓舞漸為癇厥此乃五志之病

阿膠

牡蠣

生地

天冬

小麥

生白芍

某

衝氣巔脹厥

龍薈丸一錢二分

顧

此痿厥也蓋厥陰風旋陽冒神迷則為厥陽明絡空

四末不用而為痿厥午後黃昏乃厥陰陽明旺時病機發現矣凡此皆屬絡病金匱篇中有之仲景云諸厥宜

下下之利不止者死。明不下降之藥。皆可止厥。但不可
硝黃再傷陰陽耳。但積年沉痾。非旦夕速效可知矣。

活鱉甲

真阿膠

方諸水

鮮生地

玄參

青黛

又 照前方去玄參加天冬

厥從肝起。其病在下。木必得水而生。陰水虧。斯陽風
爍筋。而絡中熱沸。卽厥。拙擬血屬介類。味鹹入陰。青
色入肝。潛陽爲法。

又 陰絡空隙。厥陽內風。掀然鼓動。而爲厥。余用鹹味入
陰和陽。介類有情之潛伏。頗見小效。但病根在下深遠。

湯劑輕淨。焉能填隙。改湯爲膏。取藥力味重。以填實之。亦止厥一法。

鮮鯨甲

敗龜版

猪脊髓

羊骨髓

生地

天冬

阿膠

淡菜

黃柏

熬膏早服七錢午服四錢

林據說六七年前。驚駭起病。氣從左脇有聲。攻及胸臆。心中脹極。氣降脹減。必汗出溲溺。此屬肝厥。凡煩勞動。怒卽刻舉發。肝木風火內寄。其來必驟。且有聲音。久恙非湯藥可投。緩調須用丸藥。更發作自必輕減。

人參

乾薑

附子

桂枝

川椒

小川連 川棟子 當歸 白芍 烏梅肉丸

顧 平昔腸紅。陰絡久傷。左脇下宿癥。肝家風氣易結。形

瘦面青。陰虛。陽氣易冒。血絡不得凝靜。諸陽一并遂為

厥。衝氣自下犯胃為呃。症似蓄血如狂。奈脉細勁。咽喉

皆癩。真陰枯槁之象。水液無有。風木大震。此剛劑強鎮

不能熄其厥冒耳。此症恐未必收功。

生雞子黃

一枚 真阿膠 二錢

淡菜

泡洗 五錢

龜板

五錢

冲入熱童便一杯

戴 酒客中虛多濕。陽明素虛。厥陰來乘。當穀雨土旺用

事。風木與陽俱升逆。鬱胃而厥。此平昔積勞內因。與外

邪無涉。閱醫多用風藥。是再傷肌表。護衛之陽。乃召風以致中耳。

川桂枝

羚羊角

炒半夏

橘紅

明天麻

茯苓

當歸

鈎藤

吳三十肝風癩厥。迅發莫制。都因腎真內怯。平素多遺。診脉

芤弱。議用固本丸

固本加五味。萸肉。龍骨。金箔。蜜丸

謝五有年下虛。春木自地而升。陽浮。上蒙清竅。經云。下虛

上實。爲厥癩疾。肝風內震。倘加惱怒。必致厥仆。瘳中。大

忌攻痰祛風藥。

熟地

天冬

萸肉

五味

牛膝

厥陰

龜甲

磁石

茯神

遠志

菖蒲

夏九十少腹氣攻有形嘔吐頭脹陰脉不至頭而厥陰脉上

至巔頂四肢逆冷卽厥象也。不是瘧母宿冷肝脉環澆

陰器爲遺洩。

炒黑川椒

川棟子

炒橘核

青木香

小茴香

茯苓

王右脉已伏左小緊四肢冰冷乾嘔煩渴厥陰濁泛胃

陽欲絕此屬痛厥姑以辛熱泄濁通陽

泡淡吳萸

製附子

川棟子

延胡

淡乾薑

茯苓

五

癱厥

毛

又 脉微爲無陽。下利冷汗。嘔逆不食。肢厥不肯回陽。一團濁陰阻蔽。却有閉腕之危。議四逆之屬。護陽驅濁。

人參 淡附子 枳實 茯苓 生淡乾薑

又 肢厥惡心吞酸胸滿。大便不通有六日。

川連 淡乾薑 人參 枳實

陳皮 半夏 茯苓

厥陰熱邪

史 温熱已入厥陰。陰傷致風陽上巔。遂爲痙厥。厥發丑。

寅陽明少陽之陽震動。昨進鹹苦。清其陰分之熱已效。

今複入鎮陽以止厥。

生地 天冬 阿膠 雞子黃

生龍骨 小麥

蔣 眩暈心痛脹嘔吐涎沫周身麻木此厥陰肝臟中陽

過胃貫膈逆衝不已有瘧厥之意

川連 吳萸 煮 乾薑

川棟子

烏梅

牡蠣 白芍

又 開泄和陽入陰已效當停煎藥 龍薈丸

程 厥邪熱深生薑性辛温大泄肝陰陽遂上冒心熱暈

厥但陰虛熱熾苦寒不可多進以滋陰却熱為穩

生鱉甲

鮮生地

生白芍

知母

山梔

橘紅

張 未病先有驚恐先寒戰後發熱心中極熱乾嘔煩躁
渴飲冷仍不解渴診脉小弦舌白無胎曾肢冷如水此
熱邪已入厥陰肝經所謂熱深厥深也病全入裏極爲
棘手議用紫雪丹開深伏之熱結取其芳香宣竅冀得
躁擾勢緩方有轉機 紫雪丹二錢

王 心中疼熱耳聾自利熱邪已入厥陰三日不厥方有
好音

鬱金

川連

秦皮

黃芩

連翹心

石膏蒲汁

某 先發水痘已感冬溫小愈不忌葷腥餘邪復熾熱不

肝風燥
陰

可過入夜昏煩。輒云頭痛。邪深走厥陰。所以發厥。診脈
兩手俱細。是陽極似陰。鼻燥舌乾。目背黃。多屬邪閉。壞
敗。諒難挽回。用涼膈散。

伍女室。女經來衝脈自動。動則陽升。內風遶旋。不為清

厥煎厥。陽明虛。胃失降。厥陰熱。肝愈橫。風陽上冒。清空

神迷。諸竅似阻。皆入夏大地發泄之徵。本虛表實。先理

其實。議用局方龍薈丸。純苦直降。非湯飲留連腸胃之

比。每服三錢。不拘二三次分服。接用復脈法。去參薑桂。

施氏諸厥屬肝。肝病犯胃。為嘔逆腹痛。乃定例也。診脈虛

小望色眊白。據述懷妊。病竟不發。思中流砥柱。斯肝木

肝逆胃
虛

婦人經水不調

瘧疾

羌

疑然則知培植胃土乃治病法程矣

六君子去木皮加芍藥木瓜煨薑南棗

某氏

厥屬肝病幾番病發都因經水適來夫血海貯聚既

下斯衝脉空乏而風陽交動厥之暴至之因由也醜寒

濡潤亦和陽泄內風之義治之未應下焦濁冷候嗆胸

痺思衝脉乃陽明所屬陽明虛則失闔厥氣上犯莫遏

內經治肝不應當取陽明制其侮也暫用通補入胸取

乎腑以通為補小半夏湯加白糯米

龔

三

諸厥皆隸厥陰疝瘕心熱脇脹中消便難乃肝陽內

風妄動消爍犯及陽明矣經言治肝不應當取陽明肝

胃一臟一腑相對。不耐溫補者。是肝用太過。肝體不及

也。

九孔石決明

淮小麥

清阿膠

細生地

天冬

茯神

怒

陳 嗔怒微厥。肝陽升舉。宜益胃陰以制伏。

人參 冷冲

麥冬

茯神

鮮蓮子

竹葉心

生甘草

微溫服

奇厥虛
風陽動

葉

氏

脉右大熱升風動鬱冒為厥。宗陳無擇羚羊角散方。

羚羊角

小生地

玄參

丹參

連翹

黑豆皮

又厥後驚惕汗泄陽風無制都緣陰枯不主戀陽議用

六味益陰和陽炒六味去山藥加人參秋石

又渴不欲飲陰不上乘况寐醒神識不靜易驚汗出法

當歛補

人參

更肉炭

熟地

五味

茯神

遠志

又半月經水兩至痛自下焦衝突而厥病由陰維衝任

蓋八脉所司也此養營僅到中宮所以無效

菴蓉

鹿角霜

當歸

柏子霜

桂枝木

茯苓

又 前法已中病情。須從奇經治義。

照前方去桂枝木加鹿角膠

又 病去八九。僅以溫補下元為法。不必窮治。

淡菴蓉 炒杞子 當歸 柏子仁

茯苓 小茴香

心營執
陶氏 脉數厥止。執在營中。

犀角 玄參 丹皮 連翹心

胆星 橘紅

吐 虺厥嘔

王 口鼻觸入異氣。胃傷嘔吐。土衰則木剋。肝風內橫。三

虫擾動為痛。從虺厥論治。

川椒

乾薑

桂枝木

川棟子

人參

川連

烏梅

生白芍

絕陰涸欲

黃二據述十一年前夏秋間多用井水鹽梅因此昏厥已

後三五日一發病愈雖醒日瘦日減間有語言不自接
續。想其至理。水鹽梅酸。大泄肝腎臟陰。厥者陽氣逆亂
冒神憤憤。勢成沉痼。非痼厥門治痰治火清竅者是臟
陰受病。臟主乎藏畜。醫偏搜逐劫爍。凡陰涸欲絕。譬諸
油盡燈焰。忽明忽昏。撲然息矣。先聖先賢。從無成法。未
敢湊藥欺人。常用人乳一杯

某 脉左動如數。右小濡弱。病起嗔怒。卽寒熱汗出心悸。

繼而神竄自覺散越。夫肝臟藏魂。因怒則諸陽皆動。所見病源。無非陽動變化內風而為厥。故凡屬厥症。多隸厥陰肝病。考內經治肝。不外辛以理用。酸以治體。甘以緩急。今精彩散失。鎮固收攝。猶慮弗及。而方書泄肝平肝。抑肝方法儘多。至於補法。多以子母相生為治。此病全以肝腎下焦主法為正。所服醫藥。竝無師古之方。未識何見。

阿膠

一錢半

雞子黃

一枚

人參

一錢

生地

三錢

金箔

五片

肝腎虛
衝氣逆

某

冷是足上貫於心。初起周身麻木。今則口鼻皆有冷氣。病起驚恐。內傷肝腎為厥。衝脉隸於肝腎。二臟失藏。

衝氣沸亂其脉由至陰而上故多冷耳

淡菘蓉 熟地炭 五味子 紫石英

茯苓 牛膝

痛厥

汪 胃陽傷殘濁氣上攻將為痛厥當治陽明之陽

吳茱萸 薑汁 半夏 茯苓 粳米

又 照前方去吳萸加廣皮

瘧厥

某 熱甚而厥其熱邪必在陰分古稱熱深厥深病中遺

泄陰傷邪陷發表攻裏斷難施用和正托邪是為正法

草果 知母 人參 半夏

薑汁 烏梅

厥者從下逆上之病也。瘧者明其風強之狀也。所以
二字每每並言。原與傷寒門所載者有間。想是症總
由氣血日偏。陰陽一并而成。譬如風雷之猛烈。鬱極
而發也。若發而漸復者。猶可轉危爲安。若發而轉逆
者。必至直拔根莖乃已。斯存亡之機。在乎命臟之盈
虧耳。考方書之名目不一。致病之因由亦繁。大抵可
吐者。如痰食填塞於胸中。用瓜蒂散之類。及燒鹽探
引方法。可清可折者。如厥陽壯火升逆而莫制。用玉
女煎及宣明龍薈丸法。可開可降者。如氣厥薄厥而
形氣暴絕。有五磨飲子。及蒲黃酒法。穢濁蒙神而昏

亂無知有牛黃至寶及蘇合香丸之兩法。飛尸卒厥。先宜酒醴以引導。并可按穴而施鍼法及灸法。若從虛而論者。如內奪而厥。則爲瘖痺。有地黃飲子之通攝下焦法。煩勞陽張。令人煎厥。有人參固本。加入金箔方諸水爲壯水制火法。血厥而陽騰絡沸。參乎從陰從陽法。色厥而精脫於下。急與大劑挽元法。腎厥宗許學士之椒附以通陽。虬厥有仲景之安虬法。陽極用救陰峻劑。陰極有扶陽方法。種種規模已爲全備。及叅案中先生於是症獨重在肝。蓋肝者將軍之官。善于他臟者也。要知肝氣一逆。則諸氣皆逆。氣逆

則痰生。遂火沸風旋。神迷魂蕩。無所不至矣。若犯於上者。不免凌金燦液。有門冬湯。及瓊玉膏之補金柔制法。若犯於中。而爲嘔爲脹者。用六君去朮。加木瓜姜芍之類。及附子粳米湯。加入參爲補胃凝肝法。若震及心脾。而爲悸爲消者。用甘麥大棗湯。合龍蠶之屬。爲緩急重鎮法。若挾少陽之威。而乘巔搖絡者。用羚羊鈎藤。玄參連翹之劑。爲熄風清絡法。若本臟自病。而體用失和者。以椒梅桂芍之類。爲益體宣用法。若因母臟之虛。而擾及子臟之位者。用三才配合龜甲磁硃。及復脈減辛味。複入雞黃之屬。爲安攝其子。

母法至於痿厥之治。尤覺神奇。取血肉介類。改湯爲膏。謂其力味重實。填隙止厥最速。此豈非補前人之未備。開後學之法門者乎。叅是案者。幸毋忽諸。邵新

甫

驚馬

氣逆陽
泄

某

驚則氣逆。陽泄為汗。用重鎮壓驚。

川桂枝木

五分

黃芪

去心
二錢

人參

一錢

龍骨

煨一
錢半

左顧牡蠣

煨一
錢半

痰火阻
竅

某

驚恐傷神不語。

建蘭根汁

薑汁

金汁

共和一處隔

湯燉徐徐服

臟燥陽
浮

某

因驚外觸見症。神怯欲迷。已經肢厥冷汗。怕動。做鎮

怯理虛

驚

驚

金

人參 茯神 棗仁 生龍骨 石菖蒲

炙草 南棗 陳淮小麥 早上服

楊氏 經血期至。驟加驚恐。卽病寒熱。心悸不寐。此驚則動

肝。恐則傷腎。最慮久延臟燥。卽有肝厥之患。

淮小麥 天冬 龍骨 牡蠣

白芍 茯神

陳二 心中若烟霧。曖則氣散。少頃卽聚。易驚恐。畏懼。嘔逆。

不渴。自述難鳴。苦况。瀉後亡陰。熱藥劫陰。前議和胃不

應。主以鎮之。攝之。

炙甘草 淮小麥 大棗 棗仁 青龍骨

肝腎陰
虛陽浮

某

驟驚陽逆暴厥為肝胆病。晝則心悸是陽動。夜則氣
墜屬陰虧。用收固腎肝可效。

生地 五錢

萸肉 一錢

龍骨 三錢

牡蠣 三錢

五味 一錢

真金箔 三張

經云驚則傷膽。恐則傷腎。大凡可畏之事。猝然而至
者謂之驚。若從容而至。可以宛轉思維者。謂之恐。是
驚急而恐緩也。夫驚症大人亦有之。小兒最多。因其
神志未堅。胆氣未充。故每遇稍異之形聲。即陡然而
驚矣。驚之所傷。由心猝及乎胆。由胆即及乎肝。遂致
心主君火兼肝胆中相火風木。驟然而起。症現搐搦

驚

矣

癩癧神昏譫妄。肢冷厥逆。吐乳身熱。目竄口噤。種種
所患。無非心肝胆之現症。而實毫無外感之風邪。此
因外受之驚而動內之木火風也。故但當以一驚字
立爲病名。斯乃切當。因其內風沸起。遂加一風字。因
病來迅速。又加一急字。故遂有急驚風之病名。此已
屬牽強附會矣。至於今之混稱爲急驚風者。更屬背
謬。總因小兒陰氣未充。外感之風溫風熱風火。以及
寒邪化熱。并燥火諸症。最易傷陰。陰傷則血不營筋。
液傷則脈絡滯澇。熱盛亦能使內之木火風相繼而
起。所現之症。與受驚者類亦相同。然實非因受驚而

起其所治之法大有區別。如果因驚者。治宜安養心
神。鎮驚定性。甘涼清內熱。柔潤熄肝風。或少佐芳香
通其竅絡。舒其結閉。至於剛熱燥瀆。表散之藥。槩不
可用。若無驚而但感外邪者。有宜於涼散。有宜於溫
散。有宜於苦寒清火。有宜於甘溫扶陽。或補或瀉。自
當按六淫之邪而施治。與驚字毫無關涉。奈今之醫
者。每遇非驚之症。因不能辨明六氣中所傷何氣。却
定不出病名。遂強將一驚字混入。藉口漫稱爲急驚。
風症掩飾欺人。病家亦酷信之。以爲小兒防範難週。
焉有無驚之理。其所訂之方。錯雜游移。不知治驚總

以心肝胆爲主。若治時邪。須兼肺胃脾腎三焦營衛
經絡而論。大不相同也。更有一種稱慢驚風之病名
者。尤屬怪誕。不經必當亟爲駁正。有論在幼科吐瀉
之後。宜合觀之。

華岫雲

癩癇

驚恐痰火升

孫^十神呆脉沉。因驚恐以致癩疾。語言不甚明了。此痰火

阻其靈竅。深戒酒肉厚味。靜室善調。經年可愈。

黃連

黃芩

山梔

枳實

橘紅

胆星

菖蒲

遠志

陳動怒驚觸。乃外加擾內。致五志陽越莫制。古人集癩

癩狂辨。以陽併於陰。陰併於陽。互異。今以陽逆狂亂。非

苦藥之降。未能清爽其神識也。當歸龍薈丸。三錢

倪驟然驚惕。陽氣上逆。遂神呆不寐。倏爾叫喊。不食不

飢不便。有癩癩之象。龍薈丸二服。

盧四十痰病已成癩疾難愈。

竹節白附子 天竺黃 陳胆星 石菖蒲

川連 鬱金 茯神 橘紅

陽氣鬱
竅絡阻

汪 驚恐。陽升風動。宿癩遂發。吐痰嘔逆不言。絡脉失利

也。

羚羊角 石菖蒲 胆星 遠志

連翹 鈎藤 天麻 橘紅

曹四十春病及長夏。癩厥屢發。前用龍薈丸意。苦泄肝膽。初服卽瀉。此久病陰分已虛。議理陰和陽。入酸以約束之。

生雞子黃 阿膠 川連 黃柏

生白芍 米醋

金十二 癩厥神呆肢強

犀角 羚羊角 玄參 菖蒲

炒半夏 炒遠志 鬱金 橘紅

木火動
心神虛

吳 驚狂乃木火擾動。雖得平靜。仍心悸怔忡。夜卧不寐。診脉虛細如絲。已非痰火有餘。議補心丹。以理心之用。

人參 茯神 棗仁 玄參 丹參

天冬 麥冬 生地 川連 柏子仁

菖蒲 桔梗 遠志

木火鬱
血滯

葉氏

每遇經來紫黑。癩疾必發。暮夜驚呼聲震。晝則神呆。面青多笑。火風由肝而至。泄胆熱以清神。再商後法。

丹皮

丹參

細生地

黑山梔

羌蔚子

胡黃連

調入琥珀末

肝腎陽
升

張二

入冬不寐。癩疾遂發。此陽不潛藏。治在肝腎。

用虎潛法

火鬱心
腎不交

某

癩疾脉不鼓指。議交心腎益神志。

生地

龜甲

黃柏

川連

酒炒

菖蒲

茯神

遠志

山梔

竹葉

風陽上
亢

葉二

五志陽升。神識迷惑。忽清忽甚者。非有形質之邪。乃

熱氣化風上巔。致於竟夜不寐。攻痰疎利。決不效驗。先以極苦之藥。冀其亢陽潛降。

生地

龍胆草

丹參

木通

山梔

蘆薈

青黛

薄荷

過勞心太

某

平昔操持。身心皆動。悲憂驚恐。情志內傷。漸漸神志恍惚。有似癩癩。其病不在一臟矣。醫藥中七情致損。二千年來。從未有一方包羅者。然約旨總以陰陽迭偏爲定評。凡動皆陽。當宗靜以生陰。是議陽乘於絡。臟陰不安。歛攝鎮固。久進可效。家務見聞。必宜屏絕。百日爲期。

人參

廉珠

茯神

棗仁

炙草

生龍骨

萸肉

五味

金箔

天地一陰陽也。陰陽和則天清地寧。一有偏勝。遂有非常之變。人身亦一陰陽也。陰陽和則神清氣定。一有偏勝。自致不測之疴。故內經曰。重陽者狂。重陰者癲。癩與癲。其原則同也。古人集癲癩狂辨。以爲陽併於陰。陰併於陽。此誠不刊之論。言乎現症。狂則少卧不饑。妄言妄笑。甚則上屋踰垣。其候多躁而常醒。癲則或歌或哭。如醉如癡。甚至不知穢潔。其候多靜而常昏。癩則發作無時。卒然昏仆。筋脉痠癡。口中作聲。後人因其聲似分馬癩牛癩猪癩羊癩雞癩五名。其

候經時而必止。推其病因。狂由大驚大怒。病在肝膽。胃經三陽併而上升。故火熾則痰湧。心竅爲之閉塞。癲由積憂積鬱。病在心脾胞絡。三陰蔽而不宣。故氣鬱則痰迷。神志爲之混淆。癩病或由驚恐。或由飲食不節。或由母腹中受驚。以致內臟不平。經久失調。一觸積痰厥氣。內風猝焉暴逆。莫能禁止。待其氣反然後已。至於主治。察形證。診脈候。以辨虛實。狂之實者。以承氣白虎。宜折陽明之火。生鐵落飲。重制肝膽之邪。虛者當壯水以制火。二陰煎之類。主之。癲之實者。以滾痰丸。開痰壅閉。清心丸。洩火鬱勃。虎骨當養神。

37125
17

而通志歸脾枕中之類主之。癩之實者用
攻風控涎丸以劫痰。龍薈丸以瀉火。虛者當補助氣
血。調攝陰陽。養營湯。河車丸之類主之。狂癩癩三症
治法大旨不越乎此。今如肝風痰火者。苦辛以開泄。
神虛火炎者。則清補並施。肝膽厥陽化風旋逆者。以
極苦之藥折之。神志兩虛者。用交心腎法。勞神太過
者。宗靜以生陰意。爲斂補鎮攝方。案雖未詳備。而零
珠碎玉。不悉堪爲世寶哉。醫者惟調理其陰陽。不使
有所偏勝。則鬱逆自消。而神氣得反其常焉矣。
年

冀商